

8m: 57
GREGOR. HORSTI D.

Dissertatio

DE

NATURAE AMORIS,

IN ILLUSTRIS ACADEMIÆ GIES-
SENÆ PANEGYRICA FESTIVITATE PUBLICE
proposita, cum tres eruditione & virtute macti viri juve-
nes Artis Medicæ Laureâ Doctorali solemniter IV.

Non. April. Anno M D C X I. ab eodem
coronarentur,


AD DITIS RESOLUTIONIBVS
Quæstionum Dnn. Candidatorum, de cura
furoris amorii, de philtis, atque de
pulsu amantium.



GIESSE, *Duplicata*

Excudebat CASPARUS CHEMLINUS,


ANNO MDCXI.



BRITISH MUSEUM

SALE DUPLICATE

1787



NOBILIBUS

CONSULTISSIMIS ET AMPLISSIMIS
VIRIS,

Dn. MATTHIÆ BILITZERO
*à Bilitz, Reipubl. Neapolitanæ in Silesia
Consuli spectatiss. meritiss.*

Ejusdemque filiis

Dn. MATTHIÆ, J. U. D. EXIMIO, ET
Illustriss. Aulæ Carnoviensis Consiliario
Brandenburgico &c.

NEC NON

Dn. FRIDERICO, prædictæ Reipubl. patriæ
Syndico digniss.

DOMINIS FAVORIBVS ET AMICIS
suis honorandis.

IN AVGVRALEM HVNC ACTVM

Dn. CHRISTOPHORI BILITZERI
ejusdemque competitorum.

Observantiae Symbolum.

ET

*Amicitiae non fucatae
monimentum perpet.*

L. M. Q.

D. D. D.

PROMOTOR

GREGORIUS HORSTIUS D.
in Acad. Giessena Professor, & Illustriss. Hafs-
siae Principis LUDOVICI Ar-
chiater.



RECTOR



RECTOR

ACADEMIÆ GIESSENÆ,

PETRUS FRIDERUS

MINDANUS, J. U. D. ET PRO-

FESSOR, LECTURIS S.

NON ita pridem, post novi Collegii Aca-
demici consecrationem, in inclyta fa-
cultate Juridica Doctorem trium præ-
stantissimorum virorum S. Themidos
sacerdotum promotionem habuimus: cui paucis
post diebus in celeberrima facultate Philosophica
publicus solennis actus successit: quo octodecim
ornatissimis juvenibus, & tredecim quidem priori-
bus Magisterii, reliquis verò quinque Baccalaurea-
tus gradus & honores collati. Sed non sine singu-
lari clementissimaque æterni Numinis gratia (præ-
ter S S. Theologiæ, quos adventuros, & adesse in-
telligimus Candidatos) Gratosissima, itidemq; Ce-
leberrima nunc jam facultas Medica, tres, genere &
virtute præstantissimos, Machaonicæ artis athletas,
Dn. Ludovicum Iungermannum Lipsiensem, Dn. M. Melchiorem
Schonwelderum Aurimontanum P. L. & Dn. Christophorum Bi-
litzerum Neostadiensem Silesios, producit: Quin & nos,

A 3 totius

totius Academici Senatus unanimi approbatione
publicè eos designamus, nominamus, salutamusque
dignissimos, quibus (ob reclusa maximisque & in
defessis studiis, laboribus, & peregrinationibus, cum
Musarum, tum totius Philosophiæ, & ipsius natu-
ræ penetrata mysteria) summi, ab ipso etiam Apol-
line, tum Æsculapio, vel & Hippocrate, honore
& tituli decernantur, conferantur. Præsertim
quod non in solo pulvere vel otio *αὐτοδιδασκῆς* cujus-
dam *θεωρίας* delitescere voluerint, sed & in aere ver-
sari, ac in certaminibus Academicis, Olympicis il-
lis longè majoribus, hoc est, disputando, respon-
dendoque se ostendere, practicam manum adhibe-
re, & juxta Homerici istius Herois elogium excel-
lentes, in variis nationibus viros, pernoscere eo-
rumque mores, & scientias combibere ac laborarint.
Quis enim ignorat *Dn. Ludovicum Iungermannum*, sin-
gularem rei Botanices indagatorem, sive, ut Plinius
ait, herbarium esse, & quidem compluribus jam
annis? adeò ut ei antehac, publico stipendio, cura
& cultura horti Academici, integro biennio com-
mendata fuerit: ejusque rei, ut & totius artis Me-
dicæ non in hac tantum, sed & aliis celebrioribus
Germaniæ Academiis magnam sibi laudem compa-
ravit. Quo modo & *Dn. M. Melchior Schonwelderus P. L.*
summam & summè quidem in omni re literaria
necessariam *φιλομάθειαν* in eo comprobavit, quod eum
præter

præter Germaniæ, in omnijugis artibus, virtutibus,
scientiis nulli gentium secundæ, etiam Galliæ, An-
gliæ, Poloniæ, tum facta ad Germanos populares
uos remeatione, etiam Belgiæ viros omnium facul-
tatum præclaros videre, salutare & cum iis, præfer-
tim suæ professionis qui essent, conferre, & sic o-
mnem discēditionem inire & prosequi non tædu-
erit. Unde ei utriusque, tàm Chymicæ (ut nunc
vocatur, & maximum sæpè, quod expertus testor,
uiusum habet) quam Galenicæ Medicinæ scientia,
admodum præclara contigit. Cui cum aliis quo-
que ejus competitoribus Anatomicen singulari cu-
ra adjunxit. Neque enim minori studio & *Dn. Chri-
stophorum Bilitzerum*, (ordine quidem tertium, sed
sorte omnibus, citra ullum eruditionis aut virtutis
cujusque præjudicium ita locatis) flagrasse, quâ
publicè, quâ privatim, & in secretioribus congressi-
bus comperti sumus. Tùm & illud, nos omnes,
cum primis verò huic Academiæ addictos, tanquam
præclarum grati animi symbolum collaudare de-
bet: Quod etsi post patrias scholas, Bohemiæ,
Poloniæ, & in Germania, Francofurtanam, Witte-
bergensem, nostram Giessenam, Marpurgensem,
Academias inviserit: ad hanc ipsam tamen (licet
omnibus ubiq; acceptissimus fuerit) reverti, & in ea,
veluti longè omnium sibi gratissimâ optimarum
artium,

artium, linguarum & disciplinarum officina summi
laboris meritiq̃ue *βεγεῖν* petere, auferreque voluerit
At verò ne longius eamus, Academici hujus actus
diem quartum Aprilis, D. Ambrosio sacrum, futu-
rum nempè diem Jovis, denunciamus: ubi authori-
tate *Cæsarea & Principali*, ex Collegii Medici decreto
in solenni Auditorio novo, Promotore ritè designa-
to, viro Clarissimo, *Dn. GREGORIO HORSTIO, Philo-*
sophiæ & Medicinæ Doctore & Professore ordinario, tres ist
Dnn. Candidati promeritis honoribus afficientur
Ad actum ergò istum panægyricum omnes Proce-
res ac cives Academicos, tùm omnes alios Acade-
miæ hujus nostræ fautores & amicos, non modo ad
conspectandum, sed etiam ad *JEHOVÆ* sacrum no-
men invocandum, invitamus: ut scilicet divinæ ejus
& omnipotenti clementiæ placeat, non solum hunc
actum, ad suam gloriam, Ecclesiæ & Reipublicæ in-
crementum, Dominorumq̃ue Candidatorum mul-
torumq̃ue aliorum salutem dirigere, sed & in poste-
rum Illustrissimum Principem & Dominum, *Dn.*
LUDOVICUM, Hassorum Cattorumq̃, Ducem &c. totamq̃
Provinciam unà cum hac ACADEMIA & Republi-
ca, totoq̃ue adeo *Romano Imperio & Christiano orbe*, sibi
quam commendatissimum habere dignetur. P. F.
sub sigillo Academiae, xxxi. Martii M D C X

Gregori



Gregorii Horstii D.

D I S S E R T A T I O

DE

NATURA AMORIS.



Nconfectum penitus & admirandum esset toti huic auditorio, si quis vel ex hoc suggesto, vel alibi verba faciens, omnium odiis jam dudum expositus, adeoque cunctis invisus, auditores nihilominus haberet frequentes, eorumque benevolentiam & attentionem protinus & improvisò consequeretur: est enim, nescio quæ, nobis innata judicii imbecillitas, quâ adversariorum opera, licet per se laudabilia, vituperamus, rejicimus, contemnimus. Verùm ab admiratione statim omnes quiescerent, simul ac intelligerent, Oratorem illum, paulò ante quam in concionem descenderet, cum omnibus rediisse in gratiam, eorumque mutuum amorem sibi præter multorum spem & opinionem conciliasse, ita ut omnia utrinque acta, transacta, sepulta. Tanta vis est, Auditores, omnium ordinum lectissimi, Amoris, qui domat affectus ferocissimos, copulat diversissimos, jungit inimicissimos, ita ut Leo Bizantius legatus, populo Atheniensi tumultuanti pacem suasurus, postquam obesa sua
B
confi.

Phi
tus
phi

constitutione, & naturali quadam corporis mole insolitâ plebeis risum moveret, scitè doctèque responderet: ecquid ridetis, viri Athenienses? mihi quidem venter prægrandis est, at uxorem si conspiceretis meam, mulierem videretis longè pinguissimâ: tales ac tantos, cum sumus concordēs, mutuoque amore fruimur, parvus admodum lectus capit, discordes vero ne tota quidem civitas. Dictum profectò egregium & loco & tempori mirum in modum accommodatum. Ut enim odium causa est dissolutionis, ita amor animos, cætusque hominum copulat, dissentientes conciliat, diversos conjungit & unit. Hinc recitè Poëta:

Horat.

*Felices ter & amplius
Quos irrupta tenet copula, nec malis
Divulsus querimoniis
Supremâ citius solvet amor die!*

Non autem amor uniusmodi est, quam ob causam latissimus differendi campus sese offert, ubi in amænissima Musarum vireta divertimus, ut inenarrabili varietate ex floribus passim crescentibus coronas conficiamus, non solum ornatus gratia, sed ut fragrantia suâ nos reficiant & appetitum nostrum cognoscendi mirâ suavitate impleant. Quocircâ cum pro more Academico dicendi partes hoc tempore, atque hoc loco mihi commissæ sint, argumentum hoc minimè alienum, sed huic instituto accommodatissimum esse judico, cum quod à Medica Professione Amoris tractatio excludi nequeat, tum quod vix inveniat materia, quæ tot præstantissimis ingeniis præsentibus, diversis tamen studiorum generibus dicatis una eademque ratione magis placere possit. Vos autem, Magnifice Dn. Rector, Viri Strenui, Reverendi, Consultissimi, Excellentissimi, Clarissimi, Prudentissimi, Juvenes Nobilissimi. Doctissimi
miq̃ue

miq̃ue perofficioſe & amanter peto, ut amabili favore vos amantem de natura Amoris Philoſophicè & Medicè diſſerentem audiatis.

Nullus eſt appetitus, nullū eſt deſiderium, in quo non Denomi- præſtantiffimi quiq; Scriptores vocabulo Amoris frequē- ne amoris- tiſſimè utantur: imò tanta eſt vocis hujus dulcedo in au- rib. hominū, ut ſanctiſſimi Patres, ſummiq; Theologi res ſacras tractando ab eadē abſtinere nequeant, unde *Ignatius* Amorem ſuum crucifixum dicit. *D. Hieron. in Epist. ad Demetriadem* illum prædicat felicem, cui nullus eſt alius, quā ſolius Chriſti amor: *D. Ambros. de fuga ſeculi*, adhortatur Chriſtianos, ut maximè eò reſpiciant, quò amor divinus iisdem curæ ſit: *D. Aug. ſup. Pſal. 64.* duas deſcribit civitates, Babylonem & Hieruſalem, quarum illam amore præſentis ſeculi, hanc v. amore Dei occupatam fuiſſe pronunciat: *D. Gregor. lib. 16. Moral. & ſup. Ezech.* etiam firmiter ſtatuit, nos eò propinquioreſ eſſe Deo, quò magis amorem exercemus. O jugū ſancti amoris, inquit *D. Bernhard. in tr. dilige Deum*, quā dulciter capis, quā glorioſè laqueas, ſuaviter premis, delectanter oneras, fortiter ſtringis, prudēter erudis. Unguentum ſuave & optimum eſt amor ſummi boni, quo peſtes mentis ſanantur & cordis oculi illuminantur, ait *Baſil. in Hexameron*. Neq; hoc ſufficit; ulterius n. procedimus, à creaturis videlicet ad Creatorem, à finitis ad Infinitum, Deum Ter Opt. Max. ens illud primum, independens, ſimpliciſſimum, perfectiſſimum, in quo & per quod omnia, cui glorioſum Amoris nomen, quamvis non eo modo ut rebus creatis, tūm à profanis, tūm etiam à ſacris Scriptoribus rectiſſimè tribuitur, quam ob cauſam Plato dicit, ex amore Deum totū hoc mundi ſyſtema cre- aſſe & conſtituiſſe, in quod hominem ad ſui imaginem, conditum, tanquam Dominum reliquarum creaturarum poſuit,

posuit, quod signum amoris ineffabilis erga genus humanū nullus est qui non statuatur. Quid quæso divinā maiestatem cōmovit, ut sanctos angelos custodes nobis adderet, quā ardētissimus amor erga nos homines? ō altissima charitas, ō inexplicabilis amor, quo Dei filius ab æterno genitus in tempore carnem humanam assumit, ut nos deperditos proprio sanguine liberet, sibi que cohæredes faciat! Sufficeret profectū sola generalis providentia totius universi, quæ sanè non aliunde, quàm ex amore creatoris erga creaturam profluit. Manifestum est igitur, tam latè patere vocabulum Amoris, quàm latè appetibile Bonum extendi potest, unde secundum Platonem *in conviv.* amor definitur, quod sit appetitio, quā bonum sibi adesse semper aliquis desiderat, ita ut juxta Plotinum *En. 3. lib. 5. cap. 4.* sit actus animi bonum desiderantis, quo sensu desiderium pulchritudinis Ficino dicitur: quæ descriptiones omnes *πρώτως* & principaliter de Amore, quatenus homini naturaliter accidit intelliguntur. Quod enim amorem illum immensum attinet, quo Deus Opt. Max. nos miseros, & nostri causa res omnes prosequitur, quo item nos ipsi non ex propriis viribus, sed ope Spiritus sancti in nobis ex gratia operantis Deum toto pectore colimus ac veneramur, illius tractationem ad forum Theologicum ablegamus: nihil enim præterquā Philosophicam ac Medicam dissertationem promittimus. Amor autem qui homini accidit, rectissimè *Valeriole lib. 2. obser. 7.* dicitur boni pulchrique desiderium, propterea quod Bonum ex Philosophi sententia sit illud, quod omnia appetunt: ut enim imperfectū ad perfectum, potentia ad actum naturaliter inclinat, ita etiam appetitus ingeniā quadam facultate ad bonum fertur: ad bonum videlicet non simpliciter tale, sed quatenus pulchrum, nimirum per præcedentem cognitionem

Amor
quid sit
genera-
tim.

Bonum
sub ratio-
ne pulchri
appetitur
in amore.

gnitio-

gnitionem tale dijudicatum, quia necessarium est, ut primum sub ratione pulchri cognoscamus bonū illud, quod amamus, cum ignoti nulla cupido. Hinc etiam quidam Ratio sumitur a nominis derivatione. *ἔργω*, quæ vox amorem denotat, ἀπὸ τῆς ὁρασιως, à visione deducunt, quia visus sensuum est præstantissimus, ad rerū cognitionem plurimum præ reliquis inserviens, unde amor per oculos influere dicitur, quatenus aspectus amatae rei ardorem in animo amantis generat. Revera enim Pulchrum unde dicitur Græcis. καλὸν seu pulchrum dicitur vel ἀπὸ τοῦ καλεῖν, quod provocet animas ad amandum, vel ἀπὸ τοῦ κηλεῖν, quia permulcet intuentes. Hinc Medæa repudiata ab Jasone conqueritur apud Poëtam:

*Tunc ego te vidi, tunc cæpi scire quis esses,
Illa fuit mentis prima ruina mea.
Et vidi & perii, &c.*

Imò sacrarum literarum monumenta innuunt idē, qua ratione Propheta *Ieremias cap. 9.* mortem (hoc est, causam mortis, peccata videlicet concupiscentiarum illegitimarum) ascendisse per fenestras, scilicet per fenestras corporis, nimirum aspectu & visione generatam fuisse satis perspicuè asserit. Hinc *Psal. 118. regius Propheta*: averte, Domine, oculus meos, ne videant vanitatem. Nec novū testamentum in eo dissentit à veteri, cum *Matth. 5. dicatur*: qui viderit mulierem ad concupiscendum eam, in corde suo mæchatus est. Proinde concludimus amorem in homine generaliter loquendo nihil aliud esse, quam boni pulchrique cogniti, adeoque jam quodammodo acquisiti, scilicet ratione intentionis & cognitionis, exoptationem, Amoris plenior descriptio. cujus fructus in ipsa consecutione meritò collocatur, quod lepidâ fabellâ Plato innuit, quâ monstratur amantibus nil magis in votis esse, quam ut amoris Fabula finem amoris innuens. finem, amabilis objecti scilicet possessionē consequantur, omni.

omnibus aliis posthabitis : cū enim Vulcanus duobus
 amantibus occurrisset, mutuoque illorū amore delectatus
 jussisset, ut donum aliquod Dei munificentia dignum pe-
 terent, hoc responsum habuit : O Vulcane faber Deorum,
 oramus te, ut tuis illis instrumentis & camino refingas
 nos ambos & ex duobus unum facias. Cæterū positā
παχυλῶς amoris descriptione, consequens est ut videamus
 diversitatem ejus : hic audiamus eundem Platonem de
 differentiis amoris differentem, cujus in Convivio, quod
 de Amore inscribitur, hæc sunt verba : Neminem profe-
 ctò latet absque amore Venerem nunquam esse, quare si
 una esset Venus, unus & amor. Quoniam verò duæ sunt
 Veneres, geminum quoque amorem esse necessum est.
 Geminam autem Deam hanc esse quis neget? nōne una
 quædam antiquior est & sine matre Venus, cœlo nata,
 quam cœlestem Venerem nuncupamus? altera verò ju-
 nior è Jove & Dione progenita, quam vulgarem commu-
 nemque vocamus. Necessarium itaque amorem Vene-
 ris illius Comitem cœlestem vocari, hujus vere vulgarem.
 Hanc Platonis assertionem ut eò melius intelligamus, ani-
 mæ nostræ facultates in memoriam revocentur, ex quibus
 appetitus duplex, rationis videlicet & sensuum pro manat,
 quorum ille meritò cœlestis dicitur, cū ab anima intel-
 lectiva suam ducat originem, quæ tam quoad productio-
 nem, quàm quoad informationem & operationem stu-
 penda sua simplicitate res alias sublunares longè supe-
 rat, adeoque meritò cœlo nata dicitur. Hæc est illa Ve-
 nus cœlestis, appetitus videlicet intellectualis, quem a-
 mor ab origine sua non dissimilis comitatur, à qua dif-
 fert Venus vulgaris, cupiditas videlicet ab appetitu sen-
 suum profluens. Audiamus paululum de hac eadem
 diffe-

Diversitas
 amoris ex
 Platone.

Diversitas
 appetitus
 nostri
 producit
 diversita-
 tem amo-
 ris.

differentia doctè differentem Valeriolam, medicum elegantissimum, dum inquit: Plato duo constituit Amoris præcipua genera: cœlestem alterum, cœlo patre & sine matre natum: juniorem alterum ex Jove patre & Dione matre genitum, ob idque vulgarem. Cœlo natus divinus amor dicitur & sine matre, quoniam mens illa angelica à materiæ corporæ consortio est omninò aliena, ac proinde sine matre natus amor ille cœlestis intelligitur: matris namque nomine Physici omnes materiam intelligunt. Cum itaque Venus illa cœlestis tota pura mens, purum bonum spectans & illi prorsus jugiterque inhærens, non tanquam accidens in subiecto, sed tanquam essentia quædam perennis, veluti lux soli adesse dicatur, totaque actus purus sit, nihil materiæ possidens, firma, constans, perfecta, prorsusque se ipsa contenta manet: nam amore ingenito ad intelligendam Dei pulchritudinem rapitur. Altera autem Venus è Jove nata ob id est, quod ex ea virtute ipsius animæ, quæ cœlestia movet, elici intelligatur: ea siquidem hanc creavit potentia, quæ inferiora hæc generat. Matrem namque Platonici illi ideò attribuunt, quia materiæ mundi infusa cum materia commercium habere ad generationis vim creditur. Est enim Venus hæc secunda Jove & Dione nata, vis generandi animæ mundi tributa, unde generationis cupiditas omnis in omnibus generandi potentiam habentibus innascat. Utraque porro Venus consimilem sibi comitem habet amorem: prior illa cœlestis tota in Deum intentata illius summam pulchritudinem admiratur, in eaque sibi nimium placet ac conquiescit: altera verò ad eandem pulchritudinem in corporibus procreandam, prout materiæ ratio patitur, toto nisu contendit.

Illa

Amor cœ-
lestis quid.

Illa divinitatis fulgorem in se primò complectitur, deinde
de exceptum fulgorem hunc in Venerem secundam jam
in materia operantem traducit. Ita porrò Platonice de
sententia Platonis Valeriola differit. Ut autem cœlestis
illa Venus hominis respectu de facultate mentis ferè di-
vina, nimirum de intellectiva potentia, adeoque de appe-
titu rationis intelligitur, ita amor, quem hæc Venus pro-
ducit, nihil aliud est, quam actus animæ intellectivæ bo-
num in hac vita summum naturaliter desiderantis. Hoc
in vera rerum cognitione consistit, cujus ratione Com-
mentator Averroës, æternæ beatitudinis ignarus veram
beatitudinem hominis in speculatione constituebat, ita
ut hominem indoctum à docto tanquam mortuum à vivo
differre firmiter affirmare non erubesceret. Hic amor
tanquam divinitatis quædam scintillula cunctis homini-
bus naturaliter inest, unde Philosophus : πάντες ἀνθρώποι
εἰδέναι ὀρέγονται φύσιν, quod repetit Tullius; ubi cognitionis &
scientiarum amorem à natura nobis hominibus ingene-
ratum esse pronunciat. Hic est amor ille, qui nostros ani-
mos à rebus caducis abstulit, eosdemque ad conditori
nostri considerationem dirigit: cùm enim cœli enarren
gloriam Dei, teste Psalmo, meritò cum Psalmista ulterius
exclamamus: ô quam magnifica sunt opera tua Domine
vir stultus hoc non intelligit, & stupidus hoc non animad-
vertit. Hinc Ethnici veræ religionis ignari hoc amore cō-
moti per cognitionē creaturę creatori hymnos composue-
runt ejusdemque miram & stupendam potentiam mirati
sunt, quod Claudianus confitetur, dum inquit:

*Nam cum dispositi quæsissem fœdera mundi
Subjectosq; mari fines, anniq; meatus
Et lucis noctisq; vires, tunc omnia rebar
Consilio firmata DEI, &c.*

Galenus

Galenus noster etsi veræ pietatis ac discipulorum Christi hostis fuit acerrimus, eò tamen ex consideratione corporis humani deducitur, ut amore speculationis inflā-
 matus DEI conditoris summam bonitatem, perfectissi-
 mam sapientiam & infinitam potentiam in opere de usu partium pulchrè demonstret, unde libros de miranda corporis fabrica ceu hymnos quosdam Deo conditori sese composuisse statuit. Elegans est locus Senecæ, ubi rationem reddit, cur speculationi atque cognitioni rerum tantum temporis tribuat, nimirum ea propter, quod res illæ attollant ac levent animum, qui gravi sarcina pressus explicari cupit & reverti ad illa, quorum fuit: nam corpus hoc, inquit, animi pondus est, quo supprimeretur, nisi quodammodo respiraret spectaculo naturæ, & à terrenis ad divina converteretur: hæc libertas ejus est, hæc evagatio &c. Porro sapiens affectatorque sapientiæ adhæret quidem in suo corpore, sed optima sui parte abest & cogitationes suas ad sublimia intendit, & velut sacramento ligatus id quod vivit stipendium putat, & ita formatus est, ut illi nec amor vitæ nec odium: patiturque mortalia, quamvis sciat ampliora superesse. Interdices mihi inspectionem rerum naturæ? ego non quæram, quæ sint initia universorum, quis rerum formator? quis omnia in uno mersa & materiæ inertī convoluta discreverit? non quæram quis sit artifex hujus mundi? qua ratione tanta magnitudo in legem & ordinem venerit, quis sparsa collegerit, confusa distinxerit, nimia deformitate latitantibus faciem diviserit? unde lux tanta fundatur? ignis ne sit, an aliquid igne lucidius? ego ista non quæram? ego nesciam unde descenderim? nesciam quo hinc iturus sim, quæ sedes expectet animam solutam legibus humanæ servitutis? ad majora natus sum, quam ut sim mancipium mei corporis,

Galenus
 ex creatura
 ra creato-
 rem agno-
 scit.

Cur re-
 rum co-
 gnitioni
 incum-
 bendum.

Cœlius
Rhodig.
lib. 24. lect.
antiq. c. 8.

poris, quod equidem non aliter aspicio, quam vinculum libertati meæ circumdatum. Hoc itaque oppono fortunæ, in quo resistat, nec per illud ad me ullum vulnus transire permitto, &c. Hæc ita Seneca ex ardentissimo speculationis amore graviter & doctè pronunciat, quò maximè quoque Plotinus inclinatur, dum inquit: abeamus hinc in patriam dulcem confugientes; sed quæ nam fugiendi ratio & qua via Circes veneficia devitabimus? hîc autem non opus esse pedibus ad abeundum, subjicit, nec naves ad navigandum vel equi ad vehendum requiruntur, sed visu corporis clauso alterum visum suscitare debemus, quem habent quidem omnes, eodem vero dextrè paucissimi utuntur, qualis oculus est ipsa ratio contemplatrix, cujus lumen est intellectus. Verùm hic amor ulterius à Philosophiæ cultoribus perpenditur, quorum est considerare, quemadmodum, juxta Poëtam,

————— *magnum per inane coacta*
Semina terrarumq, animæq, marisq, fuerunt,
Et liquidi simul ignis, ut his exordia primis
Omnia & ipse tener mundi concreverit orbis,
Ac durare solum & discludere Nerea Ponto
Cæperit, & rerum paulatim sumere formas.

Horum, inquam, est enarrare

————— *errantem Lunam solisq, labores,*
Vnde hominum genus & pecudes, unde imber & ignis
Arcturum, pluviasq, hyadas geminosq, Triones:
Quid tantùm oceano properent se tingere soles
Hyberni, vel quæ tardis mora noctibus obstet.

Supereft igitur amor alterius Veneris ex Jove ac Dione prægnatæ, juxta Platonem, quo formam summæ pulchritudini affinem, quantum materiæ ratio patitur, pro conservanda specie generare concupiscimus. Est autem &

hic

hic honestus atque probandus amor, quam diu rectè quis eodem utitur, formam videlicet humanæ speciei pulchram ita concipiendo, ut in ea & per eam excellentior, pulchrioremque mentis ac Dei creatoris speciem admiretur, ejusdemque complexum non aliter, quam secundum naturæ legem, & honestatis atque pietatis præcepta pro adjutorio vitæ præsentis calamitosæ & vindicanda ab interitu mortalitate per speciei propagationē exoptet atque postulet. Hujus origo est pulchritudo, non illa, quæ fucata & adulterina, sed quam Hippocrates noster ex optimo statu, partiumque symmetria per actionum perfectionem deducit, ubi simul naturæ singularis solertia & benignitas apparet. Hanc in membris extimis potissimum attendimus, & præ cæteris in facie, ubi anima nostra tanquam in domicilio suo locata videtur, cum, teste Cicero-
Amor vulgaris quomodo honestus.
Qualis pulchritudo sit origo amoris vulgaris.
Dignitas faciei.
ne, imago animi vultus sit, in eoque totus homo Apulejo consistat. Hic sexum separat, animi mores explicat, & eorum quæ in abscondito latent, amplissimum theatrum constituit, ita ut rectè Quintilianus dicat: dominatur autem maximè vultus, hoc supplices, hoc minaces, hoc blandi, hoc tristes, hoc hilares, hoc erecti, hoc summissi sumus, hoc pendent homines, hunc intuentur, hunc spectant etiam antequam dicamus, hoc quosdam amamus, hoc odimus, hoc plura intelligimus, hic est sæpè pro omnibus verbis. Hic patres in filiis visuntur & individui mortalitas mirè vindicata videtur, unde rectè Virgilius:

*Excipiunt plausu pavidos gaudentque tuentes
Dardanidae, veterumque agnoscunt ora parentum.*

Hic ætates hominum mirâ dexteritate cognoscuntur, ut rectè dicat Juvenalis, *facies tua computat annos*. Ut enim

Tempora mutantur & nos mutamur in ipsis,

L. si quis in
metal. C.
de poen.

Lib. 3. de
rer. nat.

ita maximè facies decursus annorū, ætatūq; mutationes
quasi descriptas tacito quodā suffragio præ reliquis mem-
bris nobis exhibet. Imò & apud JCtos lege cautum est,
ne si quis in metallum pro criminum deprehensorū qua-
litate damnatus fuerit, in ejus facie scribatur, cum & in
manibus & in suris possit poena damnationis una inscri-
ptione comprehendi, quò facies, quæ ad similitudinem
pulchritudinis est figurata, minimè maculetur. Hanc fa-
ciei dignitatem Lucretius etiam innuere videtur, dum in-
quit:

*Condere caperunt urbes, arcemq; locare
Præsidium reges ipsi sibi, per fugiumq;
Et pecudes & agros divisere atque dedere
Pro facie cujusq; & viribus, ingenioq;
Nam facies multum valuit.*

Lib. II. de
U. P. C. 13.

Hic apparet illa solertia, quâ natura, teste Galeno, postquâ
ea, quæ magis necessaria sunt, rectè administravit, ad orna-
tū operis elegans auctariū, venustatē videlicet & pulchritu-
dinē adjunxit, nullamq; partē impolitā & illaboratā re-
liquit. Hinc olim, Athæneo attestāte, pulchriores ministe-
riis divinis adscribebantur, propterea quod Diis victimas
acceptiores statuerent, si à manib. speciosis proficisceren-
tur. Quin & formosiori occurrisse cuiuspiam omen cense-
batur præstantissimum: at deformi inauspicatissimum,
teste Calio Rhodigino lib. 24. L. A. cap. 9. qua ratione Impera-
tor Adrianus ex Mauri occurso extrema sibi imminere
concepit. Strabo lib. 16. & de Æthiopibus lib. 7. refert, Indos
Catheam incolentes pulcherrimos tantum in reges elige-
re, ad apum imitationem, quæ reges sibi deligunt insigni
forma cæteris dissimiles, ut refert. Tiraquel. l. 2. Conn. num.
44. οἷα δὲ ἡ μορφὴ, τοῖα δὲ καὶ ἡ ψυχὴ, cum natura, teste Galeno 2.
de

de temp. c. 8. membra corporis ita conformet, ut moribus animæ sint convenientia. Hinc Poeta:

Gratior est pulchro veniens de corpore virtus.

Virg. s.
Æn.

ut notatu dignum sit illud *Athenei lib. 13. c. 7.* quod de Archidamo rege dicitur, qui ab Ephoris mulctatus, objurgatusque fuit, quod mulierem deformem pusilli corporis præformosa elegerit, cum hac ratione Spartiatis potius regulos quam reges procreare mallet. Sed *nimum ne crede colori* : etenim lis est cum formâ magna pudicitia, quod non per se, sed ex accidēti fieri putam⁹, dum scilicet pulchrioribus majores peccandi occasiones, quam deformibus sese offerunt ob singularem benevolentiam quâ ab aliorum animis alliciuntur. Magno enim periculo custoditur, quod multis placet, *ut ait Mimus*, cum contra foeminæ, quæ malam faciem obtinent, non tam animo peccandi, quam corruptore careant, *juxta Senec. lib. 2. contr. 1.* Quod patienti animo judicabat Olympias, ut meminit *Plutarch. in Præcept. connub. cap. 24.* Philippi Macedonum regis uxor, cum amore cujusdâ puellæ non poculis amatoriis, sed venustate & pulchritudine ejus cōciliato maritus flagraret, eandemq; productâ ante se speciosam & omnib. modis amabilem videret, exclamando: valeant calumnie: tu enim in te ipsa veneficiorum vim habes. Eò verò maxime respiciendum, juxta præceptum Diotimæ, ut post occurrentem sensibus pulchritudinem nos ad venustatem actionibus, officiis atque scientiis insitam transferamus, atque inibi amatorium animæ oculum exerceamus: hoc est, ex effectu causam colligamus, & in primis virtutem, animique dona per corporis notas sensui exhibitæ appetamus ac desideremus: quid enim virtute pulchrius, quid vitio turpius? Illa si quæritur in pulchritudine corporis & simul cum eadem fovetur, cum *Apulejo in Apolog. 2.*

Cœl. Rhodig. ibid.
c. 7.

Magia. statuimus virginem formosam, etsi fuerit oppidum pauper, tamen abundè dotatam esse: adfert quippe a novum maritum animi indolem, pulchritudinis gratiam & floris rudimentum. Hæc est pulchritudo de qua dicitur, ἡ καλὴ καὶ τὸ μετόπωρον καλὸν ἐστὶ, pulchrorum autumnus quoque pulcher est, propterea quod non solum in prime juventutis flore maximè splendeat, sed ad extremum usque senium firmiter quoque perstet. Hæc longè diversa est ab illa fucata pulchritudine Poppææ Domitii Neronis conjugis, quæ asinas quamplurimas aluit, ut asinino lacte faciem exornaret, maximeque discrepat ab adulterino splendore muliercularum de forma plus nimio sollicitarum, dum non solum faciem cosmeticis medicamentis illinunt, sed crines præter solitum exornant, alienisque capillis gloriam aucupari conantur, ut rectè dicat Plautus, duas esse res, quæ nunquam satis exornari queant, navem videlicet & foeminam. Hac pulchritudine meritò vir bonus afficitur, ita ut propriam uxorem sibi pulcherrimam imaginetur, eamque licet interdum omnes externæ venustatis corporeæ notas non habeat, animi pulchritudinem ac pietatis, honestatis atque virtutis eminentiam respiciendo tam ardentè complectatur atque si ipsa foret Helena vel Lucretia. Hujus pulchritudinis appetitus colloquio fovetur, convictu & amica conversatione confirmatur & animorum conjunctione stabile & firmum incrementum obtinet.

Amoris
vesani origo.

Cæterum quemadmodum id quod pulchrum est appetimus, ita secundum naturam objectum amabile omnes amamus, ubi tamen hoc notandum, quod τὸ νοητὸν, juxta Philosophos, cum intellectu nostro uniatur, ut mirum non sit, amorem in hominibus magnarum esse virium

rium, ita ut non solum rei amatae desiderium insigne nobis ingeneret, sed simul quoque non raro mentem falsis imaginationibus perturbet, tunc temporis potissimum, cum in actionibus nostris illam mediocritatem, quam vir prudens determinat, negligimus, & pulchritudinem rei amabilis non ex virtute & honestate, sed aliis externis fallacibus appetitus sensibilis objectis dijudicamus. Talis est perturbatio Plautini illius adolescentis, qui posthabito rationis dictamine illicito amore victus conqueritur:

*Iactor, inquit, crucior, agitor, stimulor, versor in amoris
rota miser,*

*Exanimor, feror, differor, distrabor, diripior, ita nullam
mentem*

*Animi habeo: ubi sum, ibi non sum: ubi non sum, ibi est
animus.*

Quasi dicat, ita se ipsum sibi ablatum esse, ut objecto amato penitus sit mancipatus atque deditus, adeoque in proprio corpore mortuus videatur. Hinc aliquis Poetarum, ut insignem amoris potentiam demonstraret:

Amoris
vesani vis
& efficacia.

*Cum jam visus amor fuit in fulgentibus armis,
Nec non accensa lampade pulchra Venus:
Privatur thyrsu Bromius, Mars ense, tridente
Neptunus, fortis fulmine dextra Iovis.*

Tantam scilicet esse vim Amoris, nisi recta ratione gubernetur, ut etiam fortissimos expugnet atque prosternat: unde Poetae fingunt, quod Circe venefica introeuntes non solum effascinarit, sed eosdem in foedissima quoque prouta, porcos nimirum commutavit, propterea quod insana cupido mentem perturbet, a studio veritatis avocet, atque in vitium quodvis homines precipites agat.

Quocirca recte pingitur hic vesanus Amor in forma
nudi, quod intellectus operatione privetur; nudus,
quod

Amoris
effigies.

quod omni virtute, quæ vestis est honestissima, careat; cæcus, quod sit inimicus mediocritatis, quam oculos prudēs determinat; cum *alis sagittisq; ardentibus*, quod insatiabili desiderio quemvis ferire contendat. Graphicè mentis hanc perturbationem, quam vesanus amor producit, Poëta descripsit in persona Didonis, dum inquit:

*Vritur infelix Dido, totaq; vagatur
Urbe furens, qualis conjectâ cerva sagittâ,
Quam procul errantem nemora inter Cressia fixit
Pastor agens telis, liquitq; volatile ferrum
Nescius. &c.*

Querc. in
diæt. polyh.

Amorem
esse fasci-
nationem
quandam.

Quis ergo mirabitur, quod de Hercule monstrorum domitore, totiusque fortitudinis speculò dicitur, quod Omphales amore ita succubuerit, ut robur in foemineam mollitiem, laborem in luxum, Martemque in delitias muliebres appensa lateri colo commutârit? qui confictum & fabulosum hoc judicat, ille sacram videat paginam, & imprimis devotissimi Davidis, Sapientissimi Salomonis, fortissimi Samsonis, aliorumque exempla perpendat. Hunc amorem vesanum fascinationem quandam statuunt quâ plurimi, ubi eorum qui perditè amant, mens desiderio rei amatae ita est illaqueata, ut in furorem agatur, & insanire videatur. Memorabilis est historia Lucii Vitellii, viri aliàs ingeniosi & prudentis, qui turpis & infamis libertinæ cujusdam amore irretitus usque adeò fuit, ut nihil non homine indignum patraret, quippe qui inter cætera salivâ illius impudicæ amasiæ melle commisceret, eâque tanquâ balsamo quodam, arterias & guttur crebrò ad aucupandâ gratiam ejus inungeret. O cœcitas amoris, quâ homines mente & oculis ita privantur, ut ignominiam & infamiam, quam incurrunt, percipere nequeant! Verum non animi solùm tanta sequitur perturbatio, sed & corpus

miris

miris modis afficitur, cum amantis intentio in assidua rei
amabilis cognitione sese verset, ibique tota ferme vis cor-
poris conquiescat, unde concoctionum impedimentum,
facultatumque naturalium imbecillitas subsequitur. Hoc
exprimit Poëta, dum inquit:

Amor ve-
fanus
corpus
etiam al-
terat.

Hinc illæ primum Veneris dulcedinis in cor

Stillavit gutta, & successit fervida cura.

Namq; si abest quod ames, præstò simulachra tamen sunt

Illius & nomen dulce obversatur ad aures.

Id quod non solum vigilantibus, sed & dormientibus, ubi
tamen alias facultates cognoscentes quiescunt, accidit,
unde illud Poëtæ:

Tu mihi cura Phaon, te somnia nostra reducunt

Somnia formosâ candidiora die.

Hæc omnia plusquam quotidiana vesanæ cupidinis exem-
pla satis superque confirmant: unicum restat, ut aliquid
de præservatione talis amoris vesani annectamus, ubi
maximè eò respicit vir bonus, *ut initis obstet*, & minus ap-
petitui sensuum quam rationi obtemperet, quia aliàs *fer-
tur equis auriga nec audit currus habenas*:

Opprime dum nova sunt subiti mala semina morbi

Et tuus incipiens ire resistet equus.

Ovid. i.
Rem.

Occasionem vitet; cum non rarò accidat quod apud Teren-
tium Chereæ, qui cum solus esset cum sola ad facinus il-
lud perpetrandum Jovis picturâ imbrem aureum in gre-
mium Danaes immittētis & consimilē lufum ludentis in-
citabatur. Ah quantò satius est, te id dare operam, quî
istum amorem ex animo dimoveas tuo, quam id loqui, in And.
quo magis libido frustra incendatur tua. *temperantia stu-
deat*. Hujus enim est, teste Platone in Phædone, officium ne-
quaquam prostertere se libidinibus, utpote cum teste Phi-
losopho lib. 2. Ethicor. cap. 3. temperans iste dicatur, qui cor-

D

pori

poris voluptates negligit, eoque ipso lætatur: & impi-
mis otium fugiat: ut enim aliàs otium diaboli pulvinar, o-
mniumque vitiorum fomes, ita

—————finem qui quaris amoris,
Cedit amor rebus, res age tutus eris.

Otia si tollas periẽre Cupidinis arcus,
Contemptæq; jacent & sine luce faces.

Quam Platanus rivo gaudet, quam populus unda,
Et quam limosa canna palustris humo:
Tam Venus otia amat.

Lepidum est illud, quod apud *Lucianum* in cupidine habetur,
ubi Venus graviter filium Cupidinẽ increpat, quod jacu-
lis suis Deos omnes affecisset præter Minervam, Musas &
Dianam. At respondet filius: parerem, O mater, sed
Minerva sua me gravitate abigit: Diana in sylvis feras
conficit, quam cursu assequi non valeo: Musæ vero hone-
stissimis occupationibus tempus transigunt, meisq; mo-
nitis minimẽ vacant.

Sed quò labor, auditores, & cur vestra benevolentia
abutor? ad amorem virtutis regredior, cujus ardore fla-
grantes hosce tres viros juvenes eruditissimos, sorte, non
eruditionis præjudicio tali modo locatos in conspectum
vestrum produxi, cum ut eorundem assiduitas & labor,
quo per multos annos in castris Musarum & Apollinis mi-
litarunt publicè toti huic consessui commendaretur, tum
ut digna virtutis & eruditionis præmia modo legitimo &
solenni in eosdem conferrentur. Cum verò, teste Gale-
no, optimus medicus optimus philosophus, nostraque
Medicina sine Philosophia sit instar campanæ sine pistillo,
eò à teneris allaborare voluerunt, ut non solum lingua-
rum

rum peritia confirmati, sed etiam Philosophicarum disciplinarum cognitione satis instructi Medicinæ sacra rimari tentarent, quod vel maximè cujusque in dicendo facundia, in differendo promptitudo, & in judicando dexterritas satis superque confirmat. Hoc est illud medium, quo primum Medicinæ fulcrum, rationem nimirum sibi comparare conati sunt. Huic accessit alterum, quò strenue allaborarunt, nimirum experientia, quæ minimè nobiscū nascitur, sed vel nostris vel aliorum observationibus oritur. Hæc nostros Candidatos ad varias peregrinationes commovit, eosdemque doctorum hominum conversationem exoptare coëgit. Loquantur hæc de re Germaniæ nostræ Academiæ celeberrimæ, Wittebergenfis, Lipsienfis, Francofurtensis, Altorfina, Basiliensis, Jenensis, Marpurgensis & aliæ, in Galliis Regia Parisiensis, Monspelienfis &c. in Belgio Lugdunensis, in Anglia Cantabrienfis, & Oxoniensis, in Polonia Cracoviensis, in Bohemia Pragensis, quæ vel omnes vel saltem plerosque Candidatos nostros gremio suo foverunt, eosdemque suos alumnos habuerunt. Et quemadmodum boni artifices non rarò præter institutum ostentandi artificii gratiâ in clathris seu obicibus, in clypeis, in ensium capulis, in phialis & similibus, opus aliquod statuarium vel emblemata quoddam superfluum insculpunt, ita maximè quoque nostri Candidati eò allaborare voluerunt ut in aliquibus multis parasangis alios superarent, adeoque singulari excellentia ingeniorum præstantiam testificarentur. De Jungermann nostro quis nescit, quanto amore Floram ab ineunte ætate profecutus sit, quam etiam tandem artissimo conubio Phæbus eidem ita jugavit, ut inde nominis celebritatem per totam Germaniam aliasque regiones jam dudum sibi comparaverit. Verbis hîc non opus

D 2 est,

est, cum rerum testimonia loquantur, quod hortus noster
Medicus ipsius industriâ instructus satis superque confir-
mat. In te vero, mi Schonwaldere, dubito, cui dono præ-
reliquis excellentiam tribuam, cum Phœbus abundanter
præter vulgarem eruditionem quam plurima tibi conces-
serit: inprimis tamen singularem tuam industriam in re
Anatomica miror, non cum plebe, quæ Democritum, ut
iræ & melancholiæ sedem inveniret varia animantium
corpora dissecantem, insanire putabat, sed cum Hippocra-
te, cujus edicto sapientissimus judicabatur. Hoc est illud
elegans auctarium eruditionis tuæ Medicæ, quod Gallus
in Germano miratus est, ubi in Regiâ Parisiensi Scholâ ca-
daverum humanorum artificiosæ dissectiones à te cum
laude & applausu feliciter administrarentur. Tandem
verò, mi Bilizere, tibi quoque gratulor, quod Medici-
nam nostram non solum ex omni parte diligenter excolu-
eris, sed insigne quoq;, nostræq; fragilitati maximè conve-
niens ornamentum addere volueris, chemiam intelligo,
cujus amore eò pervenisti, ut naturæ latebras aperire, no-
xia ab innoxiiis dextrè secernere, rudes ciniflones à veris
chymiatris distinguere, adeoque, quid distent æra lupinis,
internoscere posses.

Propo-
nuntur
quæstio-
nes.

Quæstio I.
De cura-
tione ve-
sani amo-
ris.

Cum autem videam omnium oculos in vos jam con-
jectos, mei Candidati, vestrum erit aliquid speciminis eru-
diti, quod moris est, in medium proferre. Quocircà te
primum, Solertissime Jungermanne, provoco: tuum erit
ut pro singularis ingenii tui acumine breviter & nervosè
venerando huic confessori demonstres an etiam furor ama-
torius, seu amor vesanus curationem quandam medicam
admittat, annexâ determinatione quæstionis illius, cur La-
ctuca & Ruta, quæ tamen contrariarum qualitatum, fer-
vorem amantium inhibere dicantur.

RESPON

LUDOVICI JUNGGERMANNI.

MERITO verò ac lubens ad parendum accingor, scilicet abs te (Vir amplissime, Præceptor & Promotor omnibus observantia modis singulariter honorande) adeò animatus, qui hucusq; pariter rerum ac studiorum meorum aura & anima fuisti. Licet imbecillitate mea tantum non ad angustiarum incitas redigar. Debitum tamen obsequium gratia placendi omninò prælatum vobis, sperans me divina gratiâ, & prompta hujus amplissimi, augustissimiq; confessus æquanimitate, non secus ac cælestium quorundam siderum aspiratu, sublevatum iri. Hinc nunc rectè ad propositum pergo, & geminatam illam questionem aggredior: nimirum an furor amatorius curari & quomodo queat. Difficilima certè curationis hoc malum esse, tam rationum momenta, quàm exempla evincunt. Præterquam enim quod celatum lateat, adeoq; ejus non intellecti nulla sit curatio, dubiis quoq; subinde symptomatum variationibus imponere potest perspicacioribus, veluti contingit Medicis illis Romanis, quos Galenus non omni reprehensione hæc de causa liberat. Adde quod amētes isti amantes omnem curationem respuant. Et mirabimur adhuc teneri præceptorem amoris, taliter nos inclamantem?

Heu mihi non ullis amor est medicabilis herbis.

Atque alio in loco.

Omnes humanos sanat medicina dolores,

Solus amor morbi non amat artificem.

Sanè nodus hic mihi nequitur, sed tamen non æquè arctus, ut Alexandri Magni auc Herculis gladio indigeat; acie ingenii mediocris dissolvi posse speratur. Nec videtur Nasonis illud proclamatum esse de affectus ejusdem exordiis, verùm de difficultate solutionis confirmati, & ut ita loquar, habitualis; aliàs alibi curationis frustra meminisset, imò illius de remed. amor. scripta dicam vanitatis

merito sustinerent. Et nullus est, qui inficias iverit, affectum
hunc in censu sex rerum non naturalium à Medicis locari, atque
sub illis pathematibus, quæ corpus anima domicilium alterare
infestare solent, gravissimum esse, ut exinde ei soli omnia, quæ ca-
teris singulatim, plenariè inesse cum Comico fateri cogamur. Proinde
a. Platone in Tymeo & Carneade nobis suggerente, corpus a grum
sine animo aut animus sine corpore curari nequit, ita conjunctis
vicibus motu contrario simul ac alii morbi humorales, pro natura
humorum, in quibus figitur, curatione Medica tolli posse tam ex-
perientia quàm ipse sensus indicat, quo hinc & inde distracto tan-
dem malum discutitur, ubi depravata illius imaginationis vis ex-
tinguitur, & gratior rerum objectorum species inducitur. Quin
nec Theophrastus à curatione excluderet, qui nec fatales seu A-
strales, nec específicos, nec congenitos, neque ex aliis natos morbos
curationibus liberat, quod in tota rerum naturâ semper bona malum
non tantum opposita, sed etiam valentiora reperiantur. Solutionem
autem ejus duplicem potissimum eminere constat. Natura alterâ,
alterâ artis. Illa fit contrariis phantasmatis & intentionibus repositis,
ac sollicitis cogitationibus aliò translatis in gyrum rationis cogitur.
Hec artis eget, atque pro natura sedis affecta, quam & anxio timore
præternaturali prodit, ibidem ab Hippoc. lib. de Sacr. morb. colloca-
to, & indole humorum adustorum in Melancholiam & Maniam
Lymphaticam transit, (quod etiam ab Arist. initio lib. 7. Et hic
notatum reperitur) parem quoque eis, & Avicenna testel lib. 3. fen.
1. tom. 5. c. 9. curationem desiderat. Principium capit à blandâ pri-
marum corporis regionum evacuatione, inde ad venæ sectionem
pro abundantia sanguinis ferventis procedit, hinc humores peccan-
tes convenienti aliquo decocto ad deductionem purgationis prepa-
rat, minimè tamen præcipitem & violentam vult purgationem,
cum repentina virtuti dissolvenda periculum creet, malumque ma-
gis rebelle reddat. Quare quod unicæ purgationi non cedit, iteratis
vicibus superatur, & tractu temporis medicamentis paulò fortio-
ribus.

ribus. Humor à cerebro avertendus ligaturis, frictionibus, cucur-
bitulis, balanis & clysteribus. Sicuti etiam confectiōibus roboran-
tibus ei prospiciendum, idq; soporiferis demulciendum: Vti & bal-
neis dulcibus & usu lactis tempore congruo, & aliis rebus quæ ex
commodo agri esse queunt. Maximè victus ratio non posthabenda,
cujus usus longè secus, ac aliorum prasidiōrum nullo non tempore
necessarius est, ut probè Galenus dixerit: sine aliis prasidiis nos
quidem vivere, sed sine alimentis neq; vivere, neq; secundā, neq;
adversa valetudine frui posse. Verum ut sine Cerere & Baccho fri-
get Venus (ceui ille loquitur) Pythagorica diata aut trita illa ca-
tivorum solemnis hīc erit, nempe etiam regia Cyri auctoritate
robilitata. Victus tamen ipse sit malo contrarius, humectans &
refrigerans, ubi lactuca maximè immiscenda, quæ alterius qua-
tionis proposita memoriā mihi subjicit. Scilicet quomodo lactuca
& ruta cum contrariarum qualitātū sint, in amatorio furore aequè
valeant. Sed res plana est, ipsisq; Philosophis non absōnū, diversas
quandoq; causas parē effectū producere posse. Lactuca quidē furi-
undum humorē vi suā Narcotica & frigida sistendo cogit & co-
ubet, & conciliato somno cerebrum juvat. Ruta verò calore suo
undē exiccat & absorbit, unde etiam nomen græcum πῖζαρον Piz-
arch. 3. sympos. ex veterum medicorū sententiā ei non absq; re-
nponendū duxit, atq; idcirco pręgnantibus inimicā retulit, q̃ po-
ius de concipientibus, quā utero gerentibus accipiendū est. Sunt
amen qui fascinationib. & illaqueationib. in hoc affectu frequen-
ibus cohibendis rutā commodā prædicent, quod cū occulta rationi
nputandū, hīc ulterius attingere nolui, maximè dum tēporis an-
stia colophonē mei sermonis desiderat, qui eò magis imponendus,
mod cetera curationis pars pro subjecti & indicationū varietate
ariet, & potius prudentis medici industria committenda. Quare
prolixiore dissertatione auscultantiū benevolētiā abuti videar,
ut aliis post me dicturis tēpus dicendi præripiam, sufficiant hac
ea πυχλῶς prolata, usq; dum animus meus potioribus proferen-
s sese ostendat.

Videō

Quæst. II.
De pocu-
lis amato-
riis.

Video singulari quodam applausu totum auditori-
um dictâ resolutione quæstionis propositæ conquiescere:
tuum igitur erit, ingeniosissime Schonwaldere, ut ean-
dem benevolentiam tibi quoque comparare studeas, &
pro recondita tua eruditione, quid philtrea vel amatoria
pocula possint, in præsentia nobis aperias.

RESPONSIO

M. MELCHIORIS SCHONWAL-
DERI, Sil. P. L.

A Rduam & gravem mihi provinciam, Promotor Excellen-
tissime, demandas. Ista enim de Philtris συζήτης maturum
exigit ingenium; tersum & solidum requirit iudicium. Ego me-
me pede metiens utroq; destitutus in primo statim limine trepido.
Obsecundare tamen tibi jubet religiosa, quâ te colo, observantia.
efflagitat amplissimus iste Confessus, qui benevolas aures mihi præ
ingenioli modulo de propositâ quæstione balbutienti, spondet. Age
ergo jaciamus aleam; faciam periculum

Quid valeant humeri, quid ferre recusent.

Definitio. Galenus sacre nostræ medicinæ antistes 2. Meth. 2. consulit ma-
teriam aliquam pertractaturis, ut præ cæteris définiant, quid sit
de quo verba instituenda: Hujus filum hîc ego quoq; sequar, &
de Philtris disserturus, dico, quod hæc sint MEDIA ex variis
rebus concinnata à Lamiis impiis hominibus in usum vocata, ad
animos discordes copulandos. Quia verò descriptio ista nonnihil
intricata, lubet paulò accuratius obscuriora in eâ enucleare. Ex
variis rebus diximus Philtra concinnari, quo loco operæ precium
duco, ut paulò diligentius ea quæ amatoria ista pocula constituunt,
excutiantur. Occurrunt hîc primò imagines cereæ, de quibus in
Pharmaceutria Theocritus & Virgilius sic:

Definitio-
nis expli-
catio.
Causa ma-
terialis
Philtro-
rum.

Limus

Limus ut hic durescit, & hæc ut cera liquefcit
Uno & eodem igni, sic nostro Daphnis amore:

Quò alludit quoq; Dipsas illa Ovidiana:

Devovet absentes, simulacraque cerea fingit
Et miserum tenues in jecur urget acus.

*Sunt qui hostias sumunt, literas sanguineas inscribunt & ad
impium hoc opus abutuntur, quod fusius Gregorius Tholosanus
enarrat ex gl. in Caput accusatus, §. sanè de hæreticis; &
Paulus Grilland. tract. de Sortileg. Quæst. 3. Num. 13. Sunt &
qui annulos in hunc usum adhibent. Elegans est historia, quam
Quercet. in Diæt. polyt. de Carolo magno refert. Imperator hic
sapientissimus amore lasciva cujusdam puella illaqueatus detine-
batur, quò miserè pellicebatur vi magicâ, annulo (quem mulier
ista semper secum habebat) impressâ. Contigit ut ista decum-
beret graviter, adeò ut de vitâ periclitaretur. Animam agens,
sumsit annulum orig. inseruit, quò post mortem quoque Cesar
ejusdem amore non minus ac antea, dum in vivis esset, dementare-
tur. Res successit: moritur illa; Carolus Magnus non destitit
deperire defunctæ cadaver; in proprium conclave reponit; &
tantum absuit ut insignem istum fatorem Memphitico majorem
ex putrescente hoc corpore averfatus fuerit, ut eundem fragran-
tissimis rosarum aut violarum floribus prætulere. Consiliarii
suspicientes aliquid subesse magici, invenerunt in ore demortue pu-
elle annulum illum, quo exempto illiò remisit fervor & amentia
Imperatoris, extemplo eandem tolli jussit & maxime perè fatorem
illum atque amorem vesanum est detestatus. Sunt qui adhi-
bent sagittas cruentas è corpore eductas, quas (modò terram non
attigerint) substernunt, referente Plinio lib. 18. c. 4. Sunt qui
lynce seu rotulâ & parvo instrumento cui motacilla alligantur,
utuntur, cujus agitatione amasios suos demulcent veneficæ. Hinc
Theocritus in Pharmaceut. Idyll. 2.*

ἰν γὰρ ἔλκε τὴν τήνον ἐμὸν πρὸς δῶμα τὸν ἀνδρα.

E

Quo

Quò alludit Virgil. Eclog. 8. dum in singulis veneficiis re-
petit: Ducite ab urbe domum mea carmina ducite Daphnin.

6. Sunt qui Characterum; sunt qui cantionum; sunt qui si-
7. gilli Veneris hora & die ejusdem exsculpti, quando in Piscibus
8. Tauro aut Librà exaltationem suam sortita; sunt qui Hippo-
9. manes; sunt qui sanguinis humani; sunt qui secundinarum
10. baptizarum; sunt qui osculorum ranarum à formicis de-
11. pastarum; sunt denique qui Lauri combusti vires magicas ha-
12. in parte maximoperè præter cetera commendant, & voti su-
13. se iisdem facili negotio participes fieri asseverant. Facile jam

Causa
efficiens
Philtro-
rum.

cuius patere arbitror, in quibus rebus fabrica philtorum
consistat; perlustremus jam si lubet, illos à quibus eadem in u-
sum vocata & administrata fuere. Lamie sunt quibus Phi-
ltorum usum acceptum referunt auctores fide digni, de quibus
amplissimus dicendi campus sese offerret nisi eleganter ista omnia
ut & quos dementârint delineasset Philostratus in vita Apol-
lonii, cujus vestigiis insistit Budæus de quodam Menippo. Ha-
rum censui annumerandus Alexander de Alexandro lib. 2. ge-
nial. dier. cap. 9. ut & Thomas Erastus disput. de Lamiis
l. 6. cap. 6. & de Præstig. Dæmon. l. 3. cap. 16. In ca-
stris lamiarum militant quoque meretrices & impura quævis

Causa Fi-
nalis.

mulieres (nonnunquam & viri) quæ ut amoris vesani stimulos
extinguant, omnem movent lapidem, qua ratione amasium
sortilegiis hisce & veneficiis in mutuum amorem nolentem vo-
lentem pertrahant. Nullus dubito, auditores, quin cuius jam

An Philtro
sint natu-
ralia an
Magica.

constet ex iis, quæ hætenus dicta sunt, quæ natura philtorum
existat: dispiciamus jam an talia pocula amatoria naturaliter
effici possint, quæ discordes & maxumè ab alienatos animos a-
micâ pace gratoq; fadere coire faciant. Hic si rude vulgus
consulas, plenis buccis asseverabit, extra dubitationis aleam po-
situm esse, quod philtro naturaliter concinnari queant. Ne-
mirum. Exemplis enim, non rationibus ducitur: illorum non

parva

parva copia suppetit ; hujus vix scintilla animos ipsorum ex-
cacatos irradiat. Ex vetustioribus historicis in theatrum hoc
producunt Caligulam Imperatorem , cui à Cesoniâ uxore Phil-
trum propinatum Suetonius in Caligulâ refert. Producunt
Lucretium Poëtam, qui non minus ac Caligula à propriâ conju-
ge Lucillâ per poculum amatorium effascinated legitur. Pro-
ducunt Cornelium Gallum Ægypti Præfectum , qui ob eandem
causam vitam cum morte commutare coactus. Producunt
D. Cyprianum , qui ipse fatetur, se aliquando cuidam mulieri,
cujus amore torquebatur philtrum exhibuisse. Recentiora
verò non opus est attingere. Quotus enim quisque est, qui non
viderit utriusq; sexus homines sæpè ejusmodi artibus in alterius
amorem pertractos præcipitesq; datos ? Verùm si rem accura-
tioris judicii lance examinamus, prorsus à vulgi opinione abire
nos argumentorum & rationum pondera cogunt. Depræhen-
dimus enim talem amoris conciliationem prorsus à naturâ abhor-
rere, & superstitiosam, magicamq; indignam viro bono, nedum
medico Christiano, eandem esse proclamandam. Licet verò
multi non inferioris notæ medici reperiantur, qui Philtrorum u-
sum approbant eademq; naturalia pronunciant ; Cum his tamen
neutiquam facere possum, & vos omnes, Auditores lectissimi, in
meam sententiam ituros confido, si benevolè me opinionem me-
am argumentorum momentis firmantem, aliorum verò, ratio-
num fulminibus destruentem audiveritis. Ecquis enim vestrum
est, qui affirmabit, illud opus, quod auctorem, fautorem & ad-
ministratorem habet solum Diabolum & ejusdem organa (lamias
uta, sagas, aliosq; hujus farina homines) esse naturale & homi-
ni Christiano dignum ? Iam verò quosnam Patronos, affeclas
& fautores nacta sint pocula ista Venerca, ex superioribus ne-
mini non liquet. Amanissimis variorum auctorum floscu-
is exornari ista omnia possent ; Veniam tamen mihi dabit

Confir-
matio par-
tis negan-
tis.

Ratio I.

si levi saltu ea omnia transvolem, & summa rerum capita digi-
to solummodo attingam. Nec enim ego vobis molestus nimia
prolixitate esse cupio, nec animus mihi est, alteri meo Domino
competitori locum & tempus perorando dicatum praeipere. Vo-
bis ergo istud quoque severo iudicii examine pensitandum relin-
quo, an ea res, quarum nulla existunt causa naturales, in natu-
ralium classem sint referenda? At verò, neminem adesse autumo,
qui causas philtorum naturales sufficienter dari posse gloriabi-
tur, quamvis aut Archimedis solertia, aut Hermetis subtilitate,
aut Coi nostri senis diligentia in inquirendo, aut Philosophi Stagi-
ritae iudicii dexteritate in iudicando sit dotatus. Ubiorem
ista exigunt, ut videtis, explanationem: sed quia ea quae posthac
dicturus sum, non parum lucis his omnibus allatura sunt, ideò i-
stud paulò altius mente vestra recolendum appono; Nimirum an
ea curatio quae absque characteribus, aut aliis superstitiosis ima-
ginibus, cantionibusve magicis administrari nequit naturalis sit
censenda? De Philtris enim, quod ista omnia, aut pleraque saltem
exigant, quis ignorat? Subnecto & illud: Actiones ab homine (po-
tissimum verò à Medico) susceptae, quae non pro Cynosura habent
Dei Opt. Max. gloriam & proximi salutem, naturales neutiquam
censenda, & proinde medico Christiano indignae. Eane ergo in
Dei honorem vergunt, quae à Sathana, lamis &c. proficiscuntur?
Eane proximi saluti inservire asseret quispiam quae eundem in-
corporis & animae praesentissimum discrimen adducunt? Annon
hoc est in corporis periculum conjici, dum ex rectè valente ager
(Amor enim morbus maximus existit) ex rectè iudicante amens,
ex sano insanus & maniacus (id quod saepe usu venit) efficitur?
Nunquid illud est in animae discrimen adduci, dum quis a stro aut
stimulo venereo percitus eò adigitur ut Diaboli aut veneficarum
aliorumque ejusdem satellitum opem imploret? dum templum S. S.
Triados feda libidine conspurcat & contaminat? Quin natura
amoris repugnat vesanus iste furor, qui per Philtra concitatur,

adeò

deò ut nec hoc nomine naturalia eadem pronuncianda. Inter
omnes enim constat naturalem amorem esse desiderium rei pulcræ
& gratae. Pulcritudo autem ista nobis non innotescit nisi aut ex
aspectu aut ex relatione. At Philtra pelliciunt aliquem in tan-
tum furorem, ut amore rapiatur illius, quem odio plusquam Va-
tiniano persequitur, aut etiam quem nunquam vidit, cuius nec
forma nec virtus unquam placuit. Repugnant quoque pocula Ratio 6.
Ista amatoria è diametro medicamentorum naturæ seu modo a-
gendi. Nullum enim horum agit ratione tertii, sed in illud ipsum
solummodo subjectum cui applicatur. Quocirca pocula ista Circa
& Venerea vel prorsus esse magica vel ex accidente saltem inter-
dum auctorem voti sui compotem reddere pronuncio. Vultisne
ut dicam de Philtris quid mihi videatur, & quomodo vires suas
interdum exserant? Pocula ista amatoria admixta plerumq;
habent acria aut maligna, cerebro maximoperè infesta; vel (quod
sepius usu venire judico) magicis cantionibus, characteribus &c.
intellectus hominis impeditur, iudicium pervertitur: quo facto
homo non potest eligere aut fugere quod salubre aut vitandum,
sed cecâ fertur cupidine, nec audit currus habenas. Hinc Phil-
tra sepe conciliant amorem inter eos, inter quos antea maximum
crescebat dissidium, quippe iudicii dexteritate adhuc pollens a-
versabatur illum, cuius amore caco jam rapitur, inde quod intel-
lectui jam depravato eundem validè impresserit. Intellectum
hic maxumoperè infestari, documento est illud, quod experientia
sepe nobis non absque dolore ob oculos ponit. Videas enim ple-
rosq; ab inauso philtro in delirium, maniamq; lethalem præter
propinantis expectationem incidere. Addam & illud, affectus
animi, maxumam obtinere vim in turbando & depravando in-
tellectu. At verò quis amorem nescit basin & sentinam omni-
um quotquot in humano corpore reperiuntur affectuum? Quid
mirum ergo si ratio & intellectus distrahitur, pervertitur, cor-
rumpitur, hominem illud appetere quod antea avversabatur?

Confir-
matio
eiusdem
opinionis
à Testi-
monio Ju-
reconful-
torum.

Hinc raro amorem ex Philtris concitatum videas stabile. Quam-
primum enim ad sanio rem mentem redeunt egri, illico antiquum
obtinent, & cane pejus illos oderunt à quibus pocula hæc amatoria
propinata. Nec nostra solum hæc est opinio, philtra esse detestan-
da, esse superstitiosa, esse magica, esse viro bono præsertim vero me-
dico Christiano nomine gaudente indigna, esse eadem proscribenda,
& ad Garamanthas & Indos ejicienda; sed & clarissimorum Ju-
reconsultorum decreta à meis stant partibus. Consulatur l. si quis
aliquid, §. qui abortionis ff. de pœnis. Constantinus quoque
Imperator mecum facit, idemq; sancitum reperio ab ipso l. 4.
C. de maleficis & mathem. sic & l. 9. tit. 18. de mal. &
math. Auth. Coll. 3. tit. 1. Novell. 15. ff. l. 48. tit. 8. ad
legem Cornel. de sicariis & venef. Ex lege Aquilia aliisq;
multis idem comprobari posset, nisi vererer nauseam me vobis
creaturum si in re adeo manifestâ diutius hæream. Stat itaque
sententia firma & rata, Philtra naturalibus mediis concinnari
nequaquam posse: non negantes interim medicamentis conve-
nientibus ad Venerem aliquem posse existimulari, sed neu-
tquam id efficere quimus, ut determinetur iste amor ad certum
quendam, sed promiscue ad objectum gratum feretur. Satis
superq; mihi videor opinionem meam rationum fulcris stabili-
visse; quò tamen veritas magis elucescat elidenda veniunt gravis-
sima quedam fulmina, quibus in nos detonant illi, qui contrarium
tuentur. Agite, Auditores, favore vestro mihi assistite, sic absq;
Alexandri alicujus macherâ nodos hos Gordios me dissecturum
confido. Ac primâ statim fronte illud neminem percellat, quod
ingerunt, omnino fieri posse, ut discordes animi jungantur, si-
quidem per ligaturam amor & concubitus inter conjuges impediri
potest. Labefactatur illico teli hujus vis, si perpendamus dete-
standum hoc, & à Diabolo ipso inventum opus, quod ligaturâ per-
ficitur æquè minus mediis naturalibus absolvi quam Philtra. Iam
verò nos hic non querimus, an amor conciliari possit per pocula
Vene-

Confuta-
rio.

Object. 1.
à contra-
rio.

Venerēa ; sed an naturaliter id fieri queat. Nec est ut præ-
tendant Sympathiam quandam Philtris insitam , cuius benefi- Object. 2.
cio pectora odio invicem ardentia reconciliantur. Quæ enim
esse posset Sympathia, inter characterem, inter imaginem ceream,
inter hostiam, inter secundinam &c. & hominem amoris vesani
vinculis illaqueandum ? Nunquid Sympathia rebus naturali-
bus est innata ? At quis affirmabit consensum aliquem esse inna-
tum characteri, cereæ imagini &c. Dein Sympathia semper eo-
dem modo agit : Sic ferrum semper eodem modo à Magnete at-
trahitur &c. Philtra non item : quin rarò exitus voto respon-
det, nec unquam stabilis ille amor ope poculorum Venereorum
exsuscitatus. Non desunt qui admodum triumphant in eo, dum Object. 3.
vident, curâ magneticâ posse transferri quosdam morbos in canem
aut porcum, si sanguis ægri testæ ovorum includatur, putrescat, &
bestiæ abliguriendus præbeatur. Hinc enim evinci posse autu-
mant si philtrum ex sanguine amantis concinnetur, & amato
propinetur, facile vi sympathicâ cruorem illum amorem inter eos
conciliaturum. Sed ratio ista non tanti apud me est valoris, ut
à conceptâ meâ sententiâ abducatur. Alia enim est ratio morbi
corporis, alia affectus animi ; illum communicari posse cum aliis
largiar, hunc autem minimè. Quia igitur amor inter ~~magis~~ animi,
animi, corrui facile contraria opinio. Denique optimè agere-
tur cum illis, quibus domi Iunones iratæ aut Xantippæ (Proser-
pinæ potius) latrantes & mordentes. Si enim sanguinis tanta Object. 4.
esset vis, omnes uxores maritos suos ceu philtro aliquo effascinatæ
amarent. Illud præterea diluere facile est, quod de astrorum vi, si
certâ aliquâ constellatione Philtra fabricentur, prædicatur. Stat n.
penes

Obiectio
5.

penes quemvis liberum de sigillorum istorum virtute iudicium. Dein philtrea reliqua prorsus certâ constellatione haud componuntur, sed quovis loco & tempore sage & impuri homines eadem à se fabricari posse jaçtitant. Sed quò ultimam manum tabulae admoveamus, duro adhuc nodo, durus cuneus adhibendus. Simia & vipera, aliaq; bestia inter quas tamen maximum aliàs gliscium odium beneficio philtrorum ex sanguine alterius concinnatorum eò possunt pertrahi, ut amica pace coeant & ceu fœdere juncto altera alterius conversatione atque præsentiâ impensè delectetur. Si hoc in brutis evenit, quidni & inter homines? sed quid respondeam habeo. Amor inter homines ex intellectu proficiscitur. Homo enim amaturus, ratiocinatur secum An & Cur alter amore dignus. Aliter se res habet in brutis, quæ cæco feruntur amore non ex ratione, sed ex sensibus externis. Quemadmodum enim homini datus est intellectus, quo dignoscere possit salubria & insalubria; propria & aliena: ita brutis concessi sensus externi acutiores, juxta tritum illud:

Nos ovis auditu, nos vincit aranea tactu,
Lynx visu, &c.

Hinc dum propino vipera sanguinem simia, quamprimum altera alteri appropinquabit sese invicem amabunt, quia olfactu percipient alterum de alterius sanguine participare. Quod autem bruta per sensus externos præstant in noxiis aut salutaribus in gratis aut ingratis dignoscendis, idem homo perfectè ante lapsu beneficio intellectus percipiebat. Tunc enim illicò vires plantarum, fructuum, metallorum &c. agnovit. Sic Adam us primo intuitu agnovit Hevam esse carnem de carne sua, & os de osse suo. quod eheu! nobis jam denegatum, restituetur tamen rursus in beatâ illâ felicitate, quâ omnes nostros primo intuitu letissimè fronte agnoscemus & excipiemus. Quia ergò homo & non bruta à Deo defecerant, utiq; hæc nō immeritò nos quoad sensus externos

multi

multis parasangis post se relinquunt. Quo colophonidem ergo imponamus, facile patere arbitror, quamvis bruta quaedam possint vi sanguinis alterius propinati conciliari, in homine tamen idē non habere locum, siquidem homo ob defectum intellectus amplius quæ ex PROPRIO sint corpore agnoscere nequit. Iam vela contraho & Phyltra naturaliter haud dari inter homines concludo; interim tamen unicuique liberum de hac questione iudicium relinquo, & pro benevolā ista attentione Magnificis & gravissimis Dominis Auditoribus me æternū obstrictum fateor.

D I X I.



Tandē restabit, Præstantissime Bilitzere, ut pro facundia tua excellenti concionem hanc erudias an pulsus aliquis amatorius concedendus, de quo multū autores classici discrepant, licet observationes veterum & recentiorum idipsum non obscurē determinare videantur.

Quæst. III.
De pulsu
amatorio.

R E S P O N S I O

CHRISTOPHORI BILITZERI
A B I L I T Z.

Elegans est fabula, Magnifice Domine Rector, viri Strenui, Reverendi, Consultissimi, vosq; Patres conscripti & hospites Spectatissimi, Nobilissimi, Doctissimi, elegans, inquam est fabula, quam Aristophanes in convivio Platonis narrat; Homines in prima rerum omnium creatione à Deo Opt. Max. totius hujus Vniuersitatis auctore & fundatore factos fuisse duplices. Quia verò brevi post, quatuor brachiis innixi, quatuorq; pedibus suffulti, celerrimi & robustissimi erant, Deosq; omnes

F

irri-

irritaverant, propter elatam animi superbiam in medio fissi sunt,
 adeò ut ex uno homine jam duo, hoc est, mas & femina evaserint.
 Quandoquidem itaque dicto modo divisi erant, & ex altera tan-
 tum parte homo vivebat, factum, ut ad hodiernum usque diem ad
 suam perfectionem tendat, pristinaq; integritati restitui ex animo
 satagat. Iucundissima ista fabula nihil aliud ob oculos nobis pone-
 re voluit veneranda antiquitas, nisi admirandam illam sympathi-
 am stupendumq; amorem, quo mas femellam & contra femellam
 marem complectitur. Quanta enim hujus sit vis, testantur
 fortissimi, Samson, Hercules, testantur sapientissimi, David, Salo-
 mon, testantur alii infiniti, qui nimio amoris æstro conciti violen-
 tas manus sibi metipsis injecerunt. Possem adducere Tragicos
 Sapphonis, Phyllidis, Hæmonidis, Phædra, Timagora, Zidica,
 Iphidis, Calluces aliorumq; plurimorum exitus, nisi recentiora sup-
 peterent. Vnum subjungo. Neminem ex vobis esse arbitror
 quem prætereat, non ita pridem Galeatium Mantua Ducem ex
 jussu amasie quam deperibat, precipitem cum equo calcaribus
 admotis in flumen ruisse, ibidemq; miserè suffocatum. Alia plura
 quæ nostrum hoc seculum ob oculos posuit exempla facile esset ad-
 ducere, sed recentiora sunt odiosa & ab instituto meo aliena. Pro-
 posuit enim mihi Clarissimus & Excellentissimus Dn. Promotor
 hoc dubium enucleandum: Quandoquidem amoris tanta est
 ferocia, tanta vis ut Deos hominesq; subigat, nunquid affectus
 hic ex pulsu deprehendi possit. Non pauci inter medicos etiam
 doctissimos reperiuntur qui in eâ sunt opinione, neutiquam ne-
 gandum, Amorem ex pulsu, quem Amatorium nuncupant, ag-
 nosci. Neque prorsus rationibus destituuntur. Si enim hi
 historiographorum monumenta posteritati relicta paullò diligen-
 tius pervolvimus, reperimus certè non paucos inter antiquiores
 illos medicos, à quibus universa nostra ars Asclepiadea promanare
 repertos fuisse, qui Pulsum huncce Amatorium experientiâ sua
 comprobarunt. Primum quem adducunt est venerandus noster

Mantuæ
 dux volens
 ex amore
 mortem
 subiti.

Affirmatio
 Quæstio-
 nis.

senex

senex Hippocrates, de quo Soranus in vitâ Perdicca prolixè
 enarrat, quâ ratione ex Pulsu, affectuum omnium centrum amo-
 rem agnoverit. Trita est historia Erasistrati, qui Antiochum
 ex amore Stratonices (ita enim vocabatur parentis concubina)
 lethaliter decumbentem prodidit ex Pulsu, de quo fusius sacra
 nostræ medicinae Coryphaeus Galenus lib. de Præcognit. ad
 Posthumum cap. 6. Cum enim Stratonici cubiculum ingre-
 deretur, variis modis adolescentis Pulsus mutatus; quod ubi de-
 prehendit sagax ille Erasistratus, veritatem causamq; morbi a-
 gnovit, patri indicavit, & centum auri talenta pro munere aut
 brabeo reportavit. Hujus vestigiis non infelici ausu institit ipse
 antistes noster Galenus, qui loco jam citato ex Pulsu arteriarumq;
 motu diverso deprehendit, uxorem Menippi amore Pyladis cujus-
 dam detineri, unde consilio certo adhibito effectum dedit, ut illa ad
 meliorem mentem rediret. Aderit forsâ quispiam ex vobis, Au-
 ditores omnium ordinum lectissimi, gratissimi, qui dicet non exem-
 plis, sed rationibus esse pugnandum, has enim altius in auditorum
 animos descendere, eosdemq; citius in contrariam sententiam per-
 trahere. Huic ut occurratur, unum & alterum argumentum
 adducam contra eos, qui contrarium statuunt, quibus omninò con-
 cludi posse videtur, pulsum amatorium neutiquam rejiciendum
 esse aut negandum. Singulos affectus proprium sibi & familiarem
 habere pulsum nemo inficias ire audebit. Sic Timor, Ira, Tristitia
 ceteriq; affectus omnes facili negotio ex pulsu agnosci possunt.
 Quocirca cum Amor sit centrum & basis omnium totius corporis
 nostri affectuum, ut eleganter docet ex Galeno Vallesius Contro-
 vers. Medicar. & Philosophicar. lib. 3. & Quercetan. in Diæ-
 tet. suo polyhistor. c. 5. præter Comicos & Poëtas omnes; nihil
 utique obstat, quò minus statuendū sit dari quoq; pulsum ama-
 torium, ex quo affectus hic, tanquam per certum κεντήριον proda-
 tur. Nisi hoc vos movet, auditores, considerate, quæso, mecum
 causas qui pulsum immutant. Harum sunt tres; Facultas,

Antiochi
 amor ex
 pulsu di-
 gnosce-
 tur
 ab Eras-
 istrato.

Uxor
 Menippi
 amor ex
 pulsu a-
 gnoscitur
 a Galeno.

Confir-
 matio af-
 firmativæ.

*Ufus, Instrumentum. Quia ergò, tam Facultas, quam usus (labe-
factatur enim natura nimio amore, & incallescit corpus ejusdemq;
omnes partes) nihil obstabit, ut puto, quo minus concludamus fa-
cili negotio ex Pulsu Amorem deprehendi posse, & proin Pulsum
Amatorium neutiquam destruendum. Quamvis verò ista omnia,
quæ hætenus in medium adduxi, speciosè proferantur; tamen
apud rectè sentientes nondum sunt tanti valoris, ut Pulsus istum
Amatorium, tantoperè decantatum stabiliant. Adest enim ipse
Galenus artis nostra Coryphaeus & antesignanus non rejiciendus,
qui contra prius allatam opinionem acriter pugnat. Audite
quid lib. de Prænot. c. 6. sub fine asserat: Mera sunt nuga, in-
quit, quicquid de Pulsu Amatorio circumfertur. Si hoc antistes
noster affirmat, qui nimis fortè scrupulosus & subtilis alias in
Pulsibus dignoscendis fuit, quid nobis asserendum, qui eodem lon-
gè sumus inferiores. Huic illud quoque adjungam, neminem
hætenus exstitisse, inter eos quotquot unquam fuerunt quamvis
summâ diligentia in abstrusiora, quæ in nostra sacratissimâ medi-
cinâ plurima occurrunt, inquisiverint, qui Pulsus istum Amato-
rium descripserit, aut ejusdem notas & signa infallibilia proposue-
rit. Quæ omnia cum ita sese habeant, neminem ex vobis reperi-
ri arbitror, qui ab ipsorum partibus stabit, qui ultrò disceptant da-
ri certum quendam Pulsus, qui amorem indicet, & proin Amato-
rium eundem esse nuncupandum. Sed ut totam hanc litem diri-
mamus ita pronunciandum esse statuo: Amorem omnino ex Pul-
su deprehendi posse, si sit inconstans, varius, celer &c. præsertim si
ad aspectum amasie id contingat. Nec est ut quispiam mihi obji-
ciat, talem Pulsus inconstantiam in peste, aliisq; morbis malignis
quoque conspici. Nam produnt hos affectus Symptomata conco-
mitantia; in amore verò nulla causa vel evidens vel interna pa-
tet. Nequaquam tamen concedendum judico, ut iste pulsus A-
matorius indigitetur, quasi ab aliis sit distinctus & infallibiliter
hunc affectum detegat. Habetis quid de propositâ questione sen-
tiam.*

Determi-
natio que-
stionis.

Rejicitur
à Galeno
pulsus
amatorius.

tiam; Vos Auditores Magnifici & omnium ordinum lectissimi, judicate, & pro vestrà hac in me benevolentia me totum vobis additissimum habetote.

D I X I.

PETITIO PROMOTORIS
ad Amplissimum Pro-Cancellarium.

Festivè admodum, auditores, ex adagio literæ mutæ dictum, sicutur homines, qui in doctorum confessu, quod parū literis compti, ex sese vocem perficere, hoc est, doctos, graves, viroque dignos sermones proferre nequeunt, ut cum eruditioribus conspiratu consono coeunt, sint planè velut adjunctæ vocalibus mutæ, quæ per se minimè syllabam constituunt. Tales profectò non sunt nostri Candidati, quorum erudita specimina non solum præcedentibus septimanis in solennibus disputationibus atque examinibus Patres Academici conscripti plurimùm admirati sunt, sed & hac ipsa horâ toti Auditorio se satis vocales, petitisque præmiis dignissimos demonstrârunt. Etsi verò non dubitem, quin totum auditorium Medici Collegii decretum omninò ratum judicet, adeoque nihil superesse statuatur, quàm ut præsentis genere, virtute & eruditione præcellentes viri juvenes Laurea Apollinea solemniter exemplo coronentur & summos in Medicina honores consequantur: nihilominus tamen, cum executio illius decreti minimè sit in potestate nostri Collegii, utpote cui non Regales sed collegiales tantùm actus instituere concessum est; idcirco necessarium omninò judicamus, ut præstantissimi Domini Candidati ad genua procumbant

Cel. Rhod.
lib. 29. c. 14.

& auctoritatem promovendi à Cæsarea Majestate & Illustrissimi nostri Principis Celsitudine reverenter & debita animi subjectione supplices petant. Cum autem hanc ipsam Cæsaream Majestatem & Illustrissimi Principis ac Domini, Dn. LUDOVICI, Landgravii Hassiæ &c. fundatoris Academiæ hujus munificentissimi, ac Dn. nostri Clementissimi, celsitudinem, in absentia JCTi celeberrimi Dn. Gothofredi Antonii, repræsentet Magnificus Academiæ nostræ Rector, vir Consultissimus, Petrus Friderus Mindanus, JCTus Clarissimus, & pro tempore Procancellarius dignissimus, ad illius Magn. nomine Collegii nostri, & præsentium Dnn. Candidatorum me converto, majorem in modum petens, ut ipsius Magnificentia mihi pro tempore præmiorum & honorum juxta statuta Collegii nostri Diribitori ritè designato Cæsarea & Principali auctoritate potestatem faciat, quò petiti honores in præsentes hos Dnn. Candidatos à me conferantur. Quod si fecerit ipsius Magnificentia, non solum ipsos Dn. Candidatos æterna observantia sibi devinctos, sed & nostrum Collegium gratissimum experietur.

RESPONSIO

Magnifici Dn. Rectoris, viri Consultissimi,

PETRI FRIDERI MINDANI, JCTi
CELEBERRIMI, PROFESSORIS PUBL. ET ILLU-
striss. Hassiæ Principis LUDOVICI Consiliarii, p. t.
Procancellarii Spectatissimi.

Inventum Medicina Dei est, medicusq; peritus
Rectè mortalis dicitur esse Deus:
Hoc medico, hoc commune Deo, quod uterq; misellis
Auxiliatrices detq; feratq; manus.

Vti

Vti ergò magnum & memorabile faci-
nus est: vir clarissime, promotor præstantissime,
Domine Collega, & amice plurimum honoran-
de: uti, inquam, magnum & omni memoria
dignissimum est: Quod tres præsentēs Ma-
chaonas, Asclepiadis filios, magni Æsculapii ne-
potes, divini Hippocratis agnatos, familiares,
& discipulos, in medicum hoc Βεγευθηρον, non mo-
dò nobis, qui magnâ adsumus frequentia, omni-
bus, sed toti Reipublicæ Christianæ producis: Ita
æquissimum non minus, quam justissimum est:
quod publicè agnosceis, palamq; præ te fers, non
posse medicis hisce athleticis, summos, quos petunt
honores conferri, sine gratiâ summæ rerum o-
mnium potestatis. Cum igitur Serenissimus & in-
victissimus Romanorū Imperator, Rudolphus II.
divinitus sibi Doctores creandi & renunciandi
datam Majestatem, Illustrissimo Principi ac
Domino, Domino Ludovico Hessorum Catto-
rumq; Duci in almam hanc Academiam con-
tulerit, quæ porrò per inclutam ejus celsitudi-
nem

nem Clarissimo & Consultissimo viro, Domino
Gothofredo Antonii J.C. Academiae Cancellario,
& juridicae Facultatis celeberrimo, per eundem
verò nunc absentem mihi in praesentiarum de-
mandata est: Quin & praesentes Domini Can-
didati, non tantum in secretioribus medicae fa-
cultatis cum tentamine tum examine, sed & in
publicis disputationibus, tum generali omnium
totius Academiae ordinum censura eos se talesq;
praestiterint, qui unanimi omnium judicio dignis-
simi habiti sint, in quos summi in arte Apollineae
honores conferantur: Idcirco pro ea, qua jam
fungor autoritate, non modo facultatem T. Ex-
cellentiae concedo, praesentes hosce tres Machaoni-
cae gentis athletas utriusque Medicinae Docto-
res faciendi declarandiq; : sed & omnes quot-
quot adsumus, ut id, quod medicis cum ipso Deo
commune esse, supra diximus, per divinam ejus-
dem gratiam, quam felicissime consequantur,
animitus comprecamur, gratulamur.



CANDIDATIS JURAMENTUM

IMPONITUR.

JAm tandem quod haftenus in votis habuistis, Candida-
ti doctiss. obtinuimus: En! igitur in conspectum vestru
toties exoptatam & adamatam Medicinam, virginem ca-
stissimam produco, quæ vel Helenam sua pulchritudine
longè superat: hæc recta fronte, temporibus solis splen-
dore corruscantibus, genis lacteis, rubeique oris hiantibus
labris, ac niveo pectore ita pcellit animos vestros, ut amo-
ris illius, quo haftenus tot laboribus exantlatis eandem
prosequi voluistis, fructum ultimum, ipsam scilicet ama-
tæ sponsæ possessionem & consecutionem jure quodam
expetatis. Meritò dubitaret auditorium verbis amici
cujusdam nostri Medicinæ effigiem describentis:

Hæcne DE A? est Medicina. Iovis num filia? Iovæ.

Tempora cur radiant soli amula? mente refulget.

Quid frons recta? fidem signat. Genalactea? mores

Ingenuos. Rubeilabra oris hiantia? fontem

Eloquii. Niveum pectus? cor prodit apertum.

Quid liber in levâ notat? artem. Dextra quid herbas

lactitat & flores? opus experientia. Echidna

Cur fugit? illa fugat morbos, virusq; nefandum.

Ergo mihi salve, Medicina serenior omni

Sidere, par Divis: hæc vos super astra reponit.

Tob.
Tandler.
Prof. in A-
cad. Wit-
tebergenf

Sed cur diutius appetitum vestrum detineo? protinus
hanc ipsam toties desideratam castissimam sponsam vobis
connubio jungam stabili, propriamque dicabo, si primum
jurejurando progenitori hujus Deo Opt. Maximo, Ar-
chiatro summo obstricti fueritis. Tu igitur Minister hu-
jus Academiae clarè & perspicuè prælegas illa capita ad quæ
religiosè juxta normam statutorum præsentis Dn. Candi-
dati jurabunt.

G

JURA.

JURAMENTUM.

RENUNCIATIO.

QUod igitur auspiciatò fiat, Deoque inprimis gratum,
Reipublicæ salutare & proximo utile sit: Ego GREGORIUS HORSTIUS Med. D. & Profess. ordinarius, pro
autoritate Cæsarea & Principali mihi concessa ex Decreto
totius Academiæ, & inprimis Collegii Medici, tres hosce
viros eruditione, virtute & avorum præcellentia mactos,
nimirum *Ludovicum Jungermannum Lipsiensem, Misn.*

M. Melchiorem Schönwalderum, Goldbergensem Siles.

Christophorum Bilitzerum Neostadiensem Siles.

omnes & singulos, sorte, citra eruditionis præjudicium ita
locatos sacre Medicinæ Doctores creo, creatos renuncio,
renunciatos proclamo, iidemq; docendæ exercendæque
Medicinæ potestatem, unà cum privilegiis & immunitatibus
publicis, Doctoribus Medicis ubivis terrarum Regali au-
toritate concessis amplissimam facio, in nomine Sacrosan-
ctæ Trinitatis, Dei Patris, Filii & Spiritus Sancti, Amen.

EXPLICATIO INSIGNIVM.

CÆterùm solenne est piæ vetustatis institutum, quod
prolytæ, qui inaugurantur & in Doctorum ordinem
promoveantur, ceremoniis certis de quibusdam necessa-
riis admonentur. Hunc morem & ego servaturus primùm
Cathedra. vos recens creatos Doctores in Cathedram hanc sublimem
conscendere jubeo: postquam enim insignia Doctoris
Medici accepistis, superest ut ipsi doceatis & artem nostram
vestram diligentia illustrare contendatis. Hanc superiorem
Cathedram non cuivis, sed illis tantum cõcedi solere nostis,
qui labore & ingenio publico docendi munere fungun-
tur: memineritis igitur professionem vestram non otiosam
esse.

esse dignitatem, sed melius exornari non posse, quam labore, studio atque industria.

Porro librum vobis exhibeo, cumque apertum, ut hoc LIBER
ritu vos commonefaciam, quid nam in hac Cathedra docendum & juxta quam normam ac methodum ægris in posterum imperandū: non enim ars nostra vana est phantasia, quæ ex somniis nostri cerebri pro lubitu producat, sed solers est inquisitio naturæ, cum teste Hippocrate *ἰατρὸς τῶν νόσων ἢ φύσις*. Hanc descriptam invenietis in Græcorum Latinorum & Arabum relictis monumentis: hæc igitur nocturna versate manu, versate diurna. Quod dum facitis, eò allaborandum, ut in nullius verba Magistri servili quadam ingenii imbecillitate juretis, quâ de causa libros eosdem vobis claudo, tum ut proprio rationis lumine diligenter in aliorum placita inquiratis, tum etiam ut illam promptitudinem vobis comparetis, qua libris etiam longè remotis ea, quæ vestri officii erunt, alacriter peragere possitis.

Tertio loco pileum vobis impono, qui veteribus libertatis quoddam signum statuebatur: Hinc *Calius Rhodig. lib. 20. l. ant. cap. 12.* Marci Bruti statuis pileolus addebatur cum pugiunculis duobus restitutæ libertatis argumento ipsius maximè opera & Cassii. Hinc olim ad pileum vocabantur servi manumissi & libertate donati (*vide Livium lib. 4. decad. 3.*) Nec solius libertatis, sed & honoris symbolum quondam erat pileus, unde pilei umbraculo Hippocratis imagines contegebantur. Vos igitur & libertatis & honoris jam dudum promeriti symbolum pileum accipite, quo contexta capita vestra citius aliis canescant, *γίνονται τε μᾶλλον πολιὰ σκεπαζομένων τῶν τριχῶν, ἢ ἀγαντεομένων, teste Philo- sopho lib. 3. hist. an. cap. 11.* quam primum igitur canitiem præproperam & senectutem induite, quò relictis studiis juve-

nilibus res serías, quarum cura senes tangi consuevit, & li-
ANNULUS. bertate & honore vestro dignas peragatis. Annulis aureis
quarto loco digitos vestros exorno, quo ipso vos commo-
nefacio, quòd non solum dignitate vestra plebejos longè
superetis, siquidem, *Plinio teste lib. 33. cap. 1.* quondam apud
Romanos his tantùm qui legati ad exteras gentes ituri es-
sent, annuli publicè dabantur, quoniam ita exteris hono-
ratissimi videbantur, neque aliis, uti mos fuit, quam qui ex
ea causa publicè acceperant, vulgoque sic triumphabant:
sed etiam quilibet vestrum hoc ipso tanquam symbolo sa-
cræ Medicinæ, Sponsæ suæ nihilo minori quàm conjugali
fide obstringitur, ut illa vobis, vosque illi firmissimo & in-
dissolubili nodo conjuncti maneatis. Est autem pronu-
bus annulus ex auro, metallo longè purissimo, confectus;
eò igitur allaborabitis, ut sincero amore hanc vobis jam
desponsatam Medicinam indefinenter excolatis: figura
constat circulari, cujus finis apparet nullibi, quo ipso in-
finitum amoris illius vinculum innuitur. Vestrum igi-
tur erit, qui Medicinæ sanctissimo matrimonio estis con-
juncti, ut de existimatione ejus per quam sitis solliciti, nec
mentem perturbari patiamini, quo minus de castissima
hoc conjuge assidue cogitetis, vosque in officio continea-
tis, quod in plerisque scholis Europæ per cingulum novis
Medicinæ Sponsis exhibitum indicari consuevit.

OSCULUM. Tandem in medicam civitatem vos cooptatos oscu-
lo excipio, osculo, inquam, non impudico, quod JCto su-
spicionem præbet adulterii & plurimis pæna legis Juliæ
plecti debere statuitur, sed honestissimo, quo Sponsa vestra
castissima vos advenientes exosculatur, antiquorum ri-
tu, quo olim, D. Aug. teste, advenientes osculo salutabātur.

FACES. Jam nihil superest, quàm ut amoris illius conjugalis
fructus eminenter in vobis elucescat, quod cereæ faces ar-
dentes

dentes, quæ præferuntur, innuunt: splendeat lux vestra, ut omnes intelligant ab inscitiae tenebris vos esse remotissimos. Sed ut cera tædas accensas temperatissima sua qualitate nutrit & conservat: est n. cera, quod vobis notissimum, in excedentium qualitatum medio, qua de causa calidis, frigidisve medicamentis optimè miscetur: ita vos etiam animi affectus inhibeatis, & actiones vestras ad ejusmodi mediocritatem reducat, ut variis ægrotorum ingeniis eadem optimè accommodentur. Non enim parum molestiæ devorandum est Medico, cum non rarò tam animo quam corpore laborantes ægri sese offerant. Quò autem promptius hoc ipsum perficiatis, frequens accedat exercitatio juxta rationis præscriptum suscepta:

*Vidi ego quassatas motâ face crescere flammâs
Et vidi nullo concutiente mori.*

Ubi verò ex præscripto rationis, & methodi, quod officii ratio requirit, præstitum à vobis, adeoque lumen vestrum in aprico accensum fuerit, invidiæ tela nihil curabitis: ut enim culices & muscæ confertim è tenebris ad flammam tædarum prosilientes seipsas interimunt, sic etiam invidia tandem sibi ipsi venenum redditur. Veruntamen hoc optimè notabitis tædam incensam lumine suo privari, & eo ipso nutrimento, quo ante conservabatur, depravari solere, tunc temporis, ubi deorsum inclinatur; ita ingenii lumen non rarò obscuratur, ubi donis à Deo Opt. Max. concessis abutimur. Quod cum de vobis minimè suspicari possim perorandi finem facio, & vobis ex animo bene precor, ut honore jure meritoque in vos collato divitissimè felicissimeq; vobis frui contingat, in nomine illius, qui trinus & unus cuncta moderatur, cui sit gloria in secula seculorum, Amen.

GRATIARVM ACTIO
MELCHIORIS SCHONWELDER
SIL. SUO ET RELIQUORUM COMPE-
titorum nomine.

Heu! quātus dolor est, quē pectus cura fatigat
Dum dubius vitæ committit navita ventis
Carbasa; quando parat Titan relevare moleste
Colla iugo, nitidamq; obfuscant nubila tædam
Phæbi; suspectæ sunt dum marmoris undæ;
Dum murmur minitans majora è collibus altis
Auditur longo tractu, petræq; gemiscunt;
Cynthia dum vultum condit; dum sidera cælo
Labuntur, nimis & ventis agitata tumescit
Vnda; ratisq; levis rapitur cælū inter & undas
Tunc anceps syrtis trepidæ vada dura carinæ
Promittit, subitoq; impulsu prora gemiscit
Horrendo sonitu, ut stygias audire querelas
Furares: fluctus latere heu! titubante frequente
Cymba utring; bibit; fidi jam cura magistri
Desperat; labente manu dimittit habenas
Nauta, doletq; animā levibus q̄ credidit auri
Et quod cogatur sulcans dubio æquora cursu

Vit

*Vitæ inter mortisq; vias jam fidere ligno;
Planctibus impletur gemituq; polusq; salumq;*

*Exesis scopulis superatis; anchora lato
Dum portu excipitur; complesti quando Favoni
Blande sinus laxos velorum; jubila surgunt
Et plausus: Confusa canit plebs murmure misto;
Gaudiate statur qui vis: Mox fronde virente
Cingitur omne caput: jucundos tibia cantus
Effundit; cuncti votivaq; munera portant.*

*Hinc Neptuni aras donis cumulare laborant:
Naulum persolvunt, & grates pectore toto
Promunt, debetur queis gratia diæ magistris.*

*Disjecti nimbis variis, crebrisq; procellis
Hactenus, ô socii fuimus, dum Palladis arcem
Pegasidumq; chori placuit juga summa subire.
Ah! quoties Syrtis fauces expandit hiantes!
Ah! quoties nobis extrema minata Charybdis!
Ah! quoties; malefida cohors modulamine dulci
Sirenum voluit cautos abducere vero (labores
Tramite! Quot gemitus, lacrimas, quantosq;
Quanta pericla sumus perpeffi? cura dolorq;
Naufr-*

Naufragiūq; metus pectus confecit acerbis
Morsibus: Entandē speratum nunc pede fausto
Hic premimus portum: ter iō ter iōq; canoro
Ingeminare decet plectro; nunc iō triumphē!
Iō triumphē! Hostes en colla subacta trophæis
Usq; ferunt, optata diu nunc pompaq; Athenis
Hæssiæcis fiunt: fas ergo litare decenter
Munera prostratosq; decet pia fundere vota,
His, quorum nutu in littus deducta petita
Quassata ratis. Deus est, qui vela implevit amicā
Aurā: RODOLPHO nobis instructa ca-
rina est

(summa pericla

CÆSARE. Sed Princeps LVDOVICVS
Pro nobis subiit, summo dum culmine mali
Hæsit, & i. angusto constrictus corbe, futura
Prælia ventorum prædixit: 2. lumine certo
Dum ve observavit quæ semita ritè tenenda
Jam sit nauta tibi: 3. longinquum si ve notavit
Dum portum, latisq; novis recreavit anhelos
Classis præfectos. Nacleri munus obivit
RECTOR Magnus, qui cymbam flexit in
undis

Erran-

Errantem. Asclepio sed tu generosa propago
Nata, salutari quæ enarras mystica Phœbi
Conatu, multum tibi se debere fatetur
Nostraratis: vasto pandisti carbasa ponto:
Jam pede prolatot tentasti pectore forti
Transversos captare notos: jam ponere malo
Antennas medio tutas: jam lina parabas
In summo religare loco, dum navita flatus
Optabat totos, & suppara vela tremebant.
Ast tu PROMOTOR qui cura es maxu-
ma Phœbi,

Deliciæ Charitum, turbæq; novensilis: acri
Voce ciere tubæ voluisti cymba magistros
Quos nostra obtinuit, quo promptius usq; labores
Perferrent, gratum & portum accelerare juva-
rent.

Ast vos omni mystæ venerandi Numinis: almæ
Vosq; sacerdotes Themidos: sata turba sophorū
Pallade, nostraratis vestrâ suffulta fidele est
Curâ: Quando sinus non pandit fortior aura
Plenos, juverunt languentes brachia ventos.

H

Vos

*Vos vidi adductos remos lentare, vibrareq;
Alterno nixu sulcatas marmoris undas:
Sæpius increpuit cymbæ latus, atque diremtæ
Canæ Neptuni spumæ quas eromit ardens.*

*Eja agite ô socii, sacras adolemus ad aras,
Excipiant pia vota poli, sacra olea fronde
En vernante comas cingit. Tibi magne JEHO-
Qui cymbæ nostræ duxti, sit gloria summa. (VAH
Tu Deus alme mane nobiscum: perge favere,
Sis Helice posthac nostræ & cynosura carinæ,
Donec nos sistes emersos fluctibus hujus
Immundi mundi in portu, quem sancta caterva
Christi adū, aligeriq; chori jam cantibus implet.*

*Eructare lubet gravido de pectore carmen
Indutusq; gravi benefacta referre cothurno
Vestra paro procures Gisseni: astentheus ille
Eheu flaccescit vigor, & siccata rigescit
Vena: stupet Genius: Quis n. tot munera fando
Explicet? aut dignas persolvat pectore grates?*

*Tu Clarii dux magne chori: tu docta caterva
Castalidum faveas, alieno hoc ære benignè*

Exi-

*Eximar : ab gratam cantu perstringite mentem.
Audi vère preces Divæ : jam Cynthia arcum
Laxat, dimittit telis gravidamq; pharetram
Et percussa canit plectro chelys ista canoro:*

A P O L L O A D I M P E R A -
T O R E M .

O R V D O L P H E S A T O R nostri
FAV T O R q; Lycei

*(Quod Gissæ Hassiacis, spem præter, floret in oris
Et vernans crescit;) tua te beat incluta virtus,
Sidereoq; choro es jam pridem intextus, ovanti
Applausu nostri gregis: en heroica gesta (cuncta
Per te E V R O P A canit: sed præter cætera
Immortalis eris, langnentibus usque Camænis
Pegasidumq; choro quod docto exstruxeris ultrò
Hospitium lautum Gissæ, quæ nostra voluptas
Deliciæq; & fixa sedes: Heliconia colla
Sordescunt nobis: hæc tempe dulcia cantus
Sæpius excipiunt nostros, dum chorda sonori
Eboris extollit vastum tua gesta per orbem.
Dividit hic nuper noster grex carmine suavi*

HASSIADVM quantum sis raptus amore

Dearum,

Debeat & quantum tibi GISSA, novęq; sorores

Cum Gratiis Charitumq; cohors; pernicious alis

Ecce sonos rapuit nostros celer EVRVS, & illis

Qui Solē cernūt nascentē narrat; at AVSTER

Oris, quas torrent ferventia brachia Cancri.

Defuit haud BOREAS glacialis; namq; furori

Vrsę subiectis melos hoc recitavit: anhelæ

Afflatu sed corda fovens tu blande FAVONI

Partem portasti ad loca, quæ laxare quadrigas

Jam lassas Titan suevit, ruit inq; cupitas

Tethyos albentes ulnas: plaga cuncta capeffit

Inde tuas laudes, CÆSAR, tu perge FAVERE,

Et qui nuper eras SATOR esto FAVOR

in ævum,

Sic benè honos nomēq; tuum laudesq; manebunt.

CLIO AD PRINCIPEM ILLU-

STRISSIMUM.

CLIO gesta canens succedit, fundere suavi

Gutturē verba parat, votivaq; munera

spondet:

OLV-

O LVDOVICE heros fortissime, magne Pa-
trone (petitos

Cattorum, tua GISSA VIRET, fructusq;
Protrudit: CHARITES en tres produxi-
mus: illa (tela

Viribus HERCVLEIS spondet contundere
Crudelis lethi SVCCIS, vovet altera quod sit
SOPITVRA necis TERRORES; Ter-
tia GNAVVM (acerbis

Sed referet MEDICVM posthac: has Charon
Insequitur lacrumis; vacua & deserta carina
Ad Phlegetontis aquas torpescit: paupere vena
Grates ista Trias generoso è sanguine nata
Asclepii dicit tibi PRINCEPS optume, seq;
Æternùm obstrictam devoto corde fatetur.

THALIA AD RECTOREM MA-
GNIFICUM.

Magnifico nostro Naclero hosnectere gestit
Docta THALIA modos: Tu corde
stupente FAVOREM

Numinis ætherei sensisti; GISSA virescit

En magis atq; magis, tibi dum commisit habenas.
Eja agito RIMARE Dei quæ gloria mandat:
Eja agito RIMARE Themis quæ præcipit
alma:

Eja agito RIMARE jubet quod sacra Lycei
Nostri majestas, sic te super æthera voce
Garrula nostra chelys feret, & cantaberis ore
Palladiæ TRIADOS quam pulpita amica
capeſcunt

Doctorem, cujus jam vinctaq; tempore lauro.

EUTERPE AD COLLEGIUM

M E C I C U M.

Tertia Castallidum soror has è pectore toto
EUTERPE promit voces: ô sacra propago
Asclepii Coiq; senis, nunc aureus almam
Phosphorus adduxit lucem, maectantur honore
Quâ summo Charites tres istæ munere vestro;
Has jam portus habet, tutò pelagiq; tumentes
Jam rident fluctus: has propter Phæbus Apollo
Aoniq; chorus lepidus maectabit honore
Vos cunctos summo, vernabit gloria vestra, &
Perpetuo nostri fructus carpitis amoris.

MELPO.

MELPOMENE AD PROMOTOREM.

HORSTI, Melpomene tibi jam se sistit, agitq;
Grates, quod sacros injeceris hosce corymbos
Temporibus nostris, quos ille Machäonis ingens
Eduxit lucus, mox famæ anademata dia-
Illustris; totos en nos tibi mancipat uni. (nostra
Post IOVAM tibi cuncta vovet quæ pectora
Vel vires poterunt unquam: benè vivere nobis
Quod jam concessum, data q̄ sint digna brabea,
Hoc munus PATER ecce tuum est; tu perge
favere;

Te storge impellat pia nos redamare paternè;
Per te surgat bonos Phæbi, spectamq; tuere
Pallada, sic per te benè SVRGET GISSA
VIRORE.

CONJUNCTIM JAM RELIQUÆ MUSÆ
ad Dn. Professores, Hospites & Stu-
diosos.

Vnc jūcti fundit grates Polyhymnia Mystis
Numinis altitoni: Consultos tollit ad astra
Istrea, vates ERATO, quæ tempora rerum
observat: lepido TERTPSICHORE docta
Sophorum

EST

Est præfixa choro, procerum cui juncta corona
Urbis: CALLIOTPE (fidibus quæ clara) ju-
ventæ

Solvit Apollineæ pia vota: his pectine suavi
Nos qui appellentes ripæ excepere, politam
VRANIAM dabimus, quæ gratâ mēte repostâ
Hæc benefacta piè spondebunt: pectore nunquam
Excidet ista dies nobis, ô Gissa; Camana
Te nostra extollet dum Spiritus hos reget artus.

Nunc hæc dulciloquâ solvatur voce cæterva
Plaudite iò socii, nunc plaudite plaudite cuncti

F I N I S.

